



Ex-minister plenipotenciario di Aruba na Hulanda deteni



Página 3

- **Ciudadanonan a reporta hortamento despues di paradanan**

Página 2

- **Fraccion MAS y Accion 21 ta pidi reunion publico tocante SKOA**

Página 4

- **Minister di Turismo ta critica oposicion pa no presenta den Parlamento**

Página 6

Mikel Schreuders ta clasifica pa final den World Aquatics Swimming Championship



Página 18

Corsou: Piscador ta fayece ora ola a bay cu su curpa



Página 8

US Virgin Islands ta avansa cu ley permitiendo uso recreacional di marihuana



Página 11

Ciudadanonan a reporta hortamento despues di paradanan



Fin di siman tabata uno yen di basta emocion, ambiente y fiesta na unda algun ciudadano a cab'e mal contento despues cu nan a ripara cu hendenan cu no tabatin bon intencion a horta na diferente luganan y a bay cu entre otro, grastapijt y hasta tentnan.

Riba rednan social ciudadanonan cu a cumpra un kabel pa carnaval na L.G Smith Boulevard y na

Vondellaan a caba carnaval cu mal smaak caminda ora tur cos a caba, nan a dicidi di laga algun cosnan den nan luga pa bay piki nan despues, pero den e casonan aki, otro personanan cu mal intencion a horta un grastapijt y tentnan cu tabata poni especificamente pa disfruta di carnaval cu famia.

Den e comentarionan usarionan a bisa cu "kiermen asina biba na Aruba awor? Spanta pasobra horta tur cos paga pa pik next day, Esaki

ta One Happy Island???? No ta miho cambia one ladron island?" pa otronan e caso tabata diferente y a recomenda pa tur hende por ruim op tur cos y no laga nada den e luga pa asina e cosnan aki no pasa, "Semper lo tin hende cu no por laga cos di otro hende para canando rond. P'esey pa evita nan presta cosnan sin permiso ruim op de boel," otro comentario a menciona cu "Asina cu bo a bay lag'e benta sin toezicht, e ta bira sushi di caya. Boso no por yama esun cu a bay cune pa ladron, paso abo irresponsabel a lag'e benta. E no a drenta den bo cura hort'e. Tur cos cu ta band'i caminda por bay cu nan si bo wak e 2 dia of mas tira eynan. Te ora bo a ruim op, bo mester a pay cune tambe si e tabata caro of no. Esey ta siña hende, piki boso cosnan mes lihe cu ora boso a pone...eigen schuld dikke bult."

Sigur esaki ta un mal experiencia pa esnan cu no a anticipa di culmina nan temporada di carnaval di e forma aki, lamentabel si pa



bisa cu awendia mester keda atento pa tur cos y pa otro añña evita e situacion di e sorto

aki. Potretnan ta cortesias di usarionan di Facebook afecta.

SMAC a keda contento cu Carnaval 70 y tambe a manda carta pa Stichting Musica

Ayera atardi, presidente di SMAC Darren van Ommeren acompaña di otro miembronan di e directiva a ofrece un conferencia di prensa pa asina trece dilanti un resumen di loke Carnaval 70 tabata ta pa lo cual el a sigura cu tabata un exito y ademas tambe a informa cu nan a manda un carta pa Stichting Musica pa loke ta trata e festivalnan.

El a trece dilanti cu SMAC a keda contento con eventonan y paradanan a bay, un Carnaval 70 hopi exitoso unda nan tabatin 39 evento cu a ser realisa den 6 siman incluyendo esun di 11 di november 2023 caminda nan a habri e temporada carnavalesco y cu a culmina diadomingo ultimo 11 di februari cu e Parada Grandi na Oranjestad e cual a conta cu e participacion di 10 grupo di carnaval y un cu tabata representa Steelpan cu tambe a duna nan espectáculo.

"Nos tin cu bisa cu nos a haya un tremendo parada y un gradicimento sigur na tur grupo, participante, musico,

cu a haci posibel pa nos por tin un temporada di Carnaval 70 a todo dar," Van Ommeren a sigura.

Igualmente el a bisa cu Carnaval a conta cu e bishita di turistanan di Corsou, Boneiro, St Maarten y turistanan Mericano y Latino cu tabata disfrutando di espectáculo.

Pa loke ta trata e siguiente temporada di Carnaval 71, Van Ommeren a pidi na esnan involucra pa tur cos keda regla na tempo, den esaki, el a sigura cu ayera nan a manda un e-mail y un carta oficial pa Stichting Musica pa asina duna un oferta di loke ta trata e maneho y fechanan di e festivalnan di musica, un di e oferta ta regarda cu Stichting Musica mester haci 25.000 florin cu ta nifica e fee di contribucion na SMAC pa organisa esaki.

Un otro oferta tin di haber di tuma e festival di Calipso Roadmarch infantil y hubenil y tambe un pakete pa Caiso and Soca Monarch infantil y hubenil na un balor di 15.000 florin como pakete, of di tres oferta ta bira di tuma full e pakete di musica cu ta



Festival di Tumba, Calipso Roadmarch y Caiso and Soca Monarch tur cu categoria infantil y hubenil unda Stichting Musica no mester paga

SMAC nada, pero tur gasto lo keda den man di Stichting Musica, manera Van Ommeren a declara.

"Pa nos por resolve tur hecho cu por tin, nos ta pone esaki riba mesa y nan tin mas o menos 14 dia pa duna un reaccion riba esaki, si nan ta acepta of no, den un futuro un bes cu nan ta haci esaki, nan tin cu cumpli cu un contract e cual lo ta encera tambe cu nan ta riba nos schedule y e proteccion cu no lo tin evento mesun dia, ta un pakete cu nos no ta bay haci evento hunto pero practicamente nan ta encarga cu esaki y nos lo duna nan e support di ta riba nos schedule y full e mercadeo." El a declara.

Loke SMAC ta reitera ta cu nan no kier pa otro hechonan lo sucede den futuro mirando cu no tabata documenta y awor esey ta loke nan ta haci pa pone esey riba papel y comunidad sa cu tin un oferta riba mesa.

Si den caso, Stichting Musica no ta tuma ni un di e ofertanan Van Ommeren a señala cu SMAC tin cu tuma un decision, di kico nan ta bay haci cu e festivalnan di musica y con lo hinca nan den otro.

Ex-minister plenipotenciario di Aruba na Hulanda deteni ayera

Ministerio Publico mediante un comunicado pa prensa a informa cu Landsrecherche a detene un persona ayera den relacion cu e investigacion di Tulipan.

E ta un homber cu inicialnan G. F. B.

E investigacion Tulipan ta dirigi su mes riba irregularidadnan na Arubahuis den e periodo di 2018 te 2021.

E persona aki tabata den funcion di minister plenipotenciario di Aruba na Hulanda. Den e mesun investigacion aki riba 17 di januari, Ministerio Publico tambe a informa cu Landsrecherche a detene un otro persona di inicialnan G.Y. L ken den e periodo di 2018 te cu 2021 tabata traha e tempo ey como director suplente di Arubahuis, sin embargo, segun vocero di Ministerio Publico a confirma ayera na Bon Dia Aruba e persona aki keda den libertad.

Investigacion Tulipan

Prome minister Evelyn Wever-Croes a duna di conoce cu e decision pa cuminsa un investigacion a inicia cu un e-mail cu el a ricibi di forma anonimo di un grupo di personal di Arubahuis na september 2021 dirigi na henter Consejo di Minister cu copia na cierto parlamentarianan cu ta haci mencion di posibel irregularidadnan cu por a tuma luga na Arubahuis, pero e mail aki no tabatin pruebanan pa por cuminsa investiga, segun loke el a sigura.

Den mesun luna ey, a bin un otro e-mail cu contenido y prome minister a expresa cu mesora a tuma contacto cu CAD, cu DRH y Consejo di Minister pa trata e tema aki y a cuminsa un investigacion inmediatamente na Arubahuis.

Prome minister tambe a indica cu e conclusionnan preliminar cu a sali eyan despues cu CAD tabata basta leu caba cu e investigacion, ta cu gobierno mester haci cierto cambionan na Arubahuis den e tempo ey. Gobierno a cambia e top di Arubahuis y e investigacion a sigui cana na unda gobierno a trece cambionan na Arubahuis cu tabatin mester pa evita cu e cosnan aki por sigui pasa.

E conclusionnan preliminar e tempo ey a conclui cu tabata tin 3 persona envolvi cu tabata haci cosnan cu antes tabata normal pasobra esey



ta loke nan ta bisa cada biaha den nan defensa. Prome Minister a sigui bisa cu gobierno a rond af e investigacion, tanto e aspecto administrativo y disciplinario y pa e motibo ey tambe por tabata den Parlamento pa duna informacion. Tambe gobierno a pone e documentonan den man di Ministerio Publico pa determina si tabatin algo cu a bay contra ley of algo penal, pa haci investigacion e ora riba e parti ey.

Segun prome minister a informa Bon Dia Aruba na december 2022 "Centrale Accountants Dienst a splica varios suma cu B. a paga caba".

Den investigacion aki, no ta un secreto pa ni un hende ken ta e persona cu a ser deteni e dia di ayera ya cu Bon Dia Aruba a publica varios articulo tocante e persona aki y di loke el a haci ora e tabata den su funcion como minister Plenipotenciario na Hulanda, cu den poco palabra "el a haci fiesta cu credit card" y a hasta el a huur un propiedad na Hulanda unda a drecha hardin y cura di e cas, a pone un sistema di alarma pa 10,900 euro y a haci reparacionnan den e mesun cas na un costo di 21,000 euro na aña 2020 segun rapport di Centraal Accountantsdienst di Aruba (CAD) cu a ser presenta na Parlamento di Aruba den un reunion publico dia 13 di december 2022 door di Sr. Roland Pang di CAD ken a informa e parlamentarianan y pueblo di Aruba con e investigacion a bay unda nan a investiga 18 luna so pa motibo di aplicacion di e banco ABN Ambro, algo cu a wordo cuestiona pa un parlamentario riba e hecho cu nan

no tabata warda informacion di e cuenta di banco of pakico no a wordo pidi esey for di archivo.

Den esaki, tambe a bira conoci cu el a haci un biahe pa bin Aruba cu no a wordo aproba pa Consejo di Minister na december di 2020 unda el a paga na hotel Divi Village 1,300 euro, tambe su yiu cu a caba di nace a wordo beneficia cu placa di pueblo di Aruba ora el a drecha ful e camber di e integrante nobo di e famia, su casa tambe a biaha riba VIP business class na momento cu Aruba tabata pasando un mal momento debi na pandemia di Covid-19 unda mas di 4,000 hende a perde nan trabou y empleadonan publico mester a entrega 12.6% di nan salario pa yuda esunnan cu mas tabatin mester di dje, esaki ta algun ehemplo chikito di hopi gastonan cu ex-minister B a haci.

Pa dia 31 di october 2023 Ministerio Publico a confirma pa Bon Dia Aruba cu keho penal a wordo entrega contra ex-gevolmachtigde minister B. pa malversacion di placa di Pais Aruba den e caso Arubahuis.

B. su problemanan legal a

bira mas grandi mirando cu aworaki su caso oficialmente ta den man di Ministerio Publico cu ta e instancia pa persigui penalmente.

Recientemente hues den su caso civil a bay di acuerdo pa retira B. for di su funcion di polis aunke e la comete abuso di su funcion den calidad di minister plenipotenciario, pero ta di opinion cu tambe por pone e straf aki den su calidad di polis. Tambe hues a bisa cu B. su accionnan cu e la haci, no ta haci e apto pa traha como polis mas ni como un funcionario publico.

Den e sentencia ta indica cu e motibo di retiro disciplinario ta basa cu B. a comete un infraccion grave di loke tabata su deber y for di su actuacion a surgi dudanan di loke ta trata su integridad.

E ta acusa di lo siguiente:

1 - Emiti ordennan di pago cu beneficio personal.

2 - A realiza gastonan a costo di Pais Aruba.

3 - No a haci un control di facturanan.

Malversacion di placa di Pais Aruba durante biahenan priva entre 14 di december 2020 y 4 di januari 2021.

4 - Abuso di funcion ora a haya informacion pa su ben-

eficio personal y paga na Divi Village.

5 - Den periodo entre 9 di april 2021 y 17 di mei 2021a malversa di placa di pais Aruba.

6 - A haci uso di servicionan di Elever Strategy and Solution pa su mesun interes sin un formulario di aprobacion ni un ni un evaluacion di presupuesto.

7 - A haci uso di servicionan di VIP-services Schiphol pa biahenan/vakantie priva unda e costonan tabatin como fin priva. Malversacion di placa di Pais Aruba durante biahenan di negoshi.

8 - Tabata haya dobel compensacion pa credit card cu ta pertenece na Pais Aruba y durante biahenan di negoshi y tabata usa na restaurantnan mientras cu e tabata ricibi representatiekosten.

9 - El a haci uso di servicionan VIP na aeropuerto di Schiphol pa su famia a costo di Pais Aruba. Gastonan excesivo di e minister Plenipotenciario.

10 - Gastonan excesivo y ineficiente di fondonan di Estado for di 2018 te cu 2021 reemplasando telefonnan cada dos aña, e gastonan aki sin autorisacion tabatin un fin priva como por ehemplo, compra di mueblenan y facturanan di comprasnan di mueblenan pa baby.

11 - El a reembolsa e prima di seguro medico di su casa directamente di caha di gobierno desde may 2019.

12 - A desvia di e procedura habitual pa haya un contract di huur.

13 - No a cumpli cu procedura di aanbesteding pa compra un sistema di alarma pa e cas cu el a huur.

14 - A haci gastonan innecesario y excesivo pa renoba e cas cu el a huur. B. no tabata di acuerdo cu e medida disciplinario y adopta e posicion cu e no a comete un delito grave of por lo menos algo cu ta hustifica su retiro como polis.

4.2 Ter zitting heeft verweerder - kort samengevat - aangevoerd dat verweerder niet het nodige vertrouwen in klager kan stellen omdat telkens weer is gebleken dat hij op verschillende manieren en op grote schaal gelden van het Land onregelmatig heeft uitgegeven, ten behoeve van particuliere belangen of zichzelf. Klager heeft misbruik gemaakt van zijn functie/bevoegdheden als gevolmachtigde minister om zijn eigen financieel voordeel te dienen. Het plichtsverzuim is hem tevens als politieambtenaar toe te rekenen. Ten slotte dient rekening te worden gehouden met de kleinschaligheid van de gemeenschap en de periode waarin het plichtsverzuim heeft plaatsgevonden, namelijk gedurende een financiële crisis die volgde uit de Covid-pandemie. Klager heeft met zijn handelen blijk gegeven dat hij ongeschikt is en dat wedertewerkstelling als politieambtenaar of überhaupt als ambtenaar niet mogelijk is. Aldus verweerder.

Fraccion MAS y Accion 21 ta pidi reunion publico tocante SKOA

Fraccion di MAS cu sosten di Accion 21 a manda un carta na Presidente di Parlamento, mr. Edgard Vrolijk, cu e peticion di yama Minister di Enseñansa y Deporte, Sr. Endy Croes, pa e presenta na Parlamento.

Segun nos Constitucion, art. 23 inciso 1 ta stipula cu Gobierno ta responsabel pa enseñansa. Den e caso di SKOA, ta gobierno su responsabilidad di subsidia e fundacion pa di e forma aki garantiza cu e 8,500 alumno cu ta atendiendo un scol cu ta cay bao di SKOA por ricibi educacion.

Minister Endy Croes como esun responsabel pa cu enseñansa di Gabinete Wever-Croes II, tin e deber di duna Parlamento un splicacion amplio tocante e implicacionnan cu e decision di hues di dia 23 januari ultimo tin pa e sistema di enseñansa di Aruba, particularmente pa e alumno-y empleadonan di SKOA. Tambe pa e mandatario splica extensamente tocante e plan di accion di gobierno con lo atende cu e debe astronomico di belasting cu fundacion SKOA (mas cu 6 miyon te september 2022) tin cu Pais Aruba.

Parlamentario di MAS, Aquanette Gunn, a splica cu “dia 7 di februari mi a dirigi un carta na Presidente di e Comision Fiho di Enseñansa, drs. Shailiny Tromp-Lee, cu e peticion pa e yama un reunion cu caracter di urgencia cu dirigente di SKOA. SKOA ta e fundacion di enseñansa mas grandi na Aruba. SKOA tin un poblacion di aproximadamente 8,500 alumno. E ‘beschikking’ di dia 23 di januari ultimo ta elabora riba hechonan cu ta trece hopi preocupacion, interrogacion y incertidumbre pa loke ta e continuidad di e fundacion Catolico. Ta di sumamente importante pa SKOA duna comision fiho di enseñansa un splicacion amplio di e implicacionnan cu dicho decision tin pa e fundacion Catolico.”

Den su carta, Gunn ta indica cu ta trata di e tema relaciona cu e ‘uitspraken AUA2023030-49, AUA202303050, AUA202303051, AUA202303052 en AUA202303054 t/m AUA202303060 EJ’, cual ta e veredicto cu hues a duna siman pasa den e caso di e traha-



donan di limpieza di SKOA.

Veredicto di hues

E trahadornan di limpieza – yama werksters den comunidad – a exige pa Corte declara cu mientras no yega na otro acuerdo entre e partinan, mester cumpli cu e condicionnan laboral acorda te cu termina cu e contract di forma valido, pa cumpli cu nan salario mensual y premienan, y a exige pa duna orden na SKOA pa paga e tarifican legal y e salario atrasa.

Hues a nota cu SKOA ta casi completamente subsidia pa pais Aruba y ta desempeña un papel di gran importancia social. SKOA ta e institucion educativo mas grandi di Aruba. Scolnan no por funciona sin personal docente cualifica, pero tampoco sin cu mantene e edificionan den cual e personal aki ta traha den condicionnan limpi y adecua. Por lo tanto, e personal di limpieza di SKOA tin un papel importante den y pa scol. Den e contexto aki, hues ta lamenta cu e personal en cuestion a bira obheto di un debate prolonga entre SKOA y gobierno.

A nota cu durante e debate, e deficit presupuestario di SKOA a aumenta y a genera un debe fiscal di mas di seis miyon Florin, y “ta un ilusion pa pensa cu SKOA por resolve e problema aki riba su mes. Simplemente no tin medio ni recurso pa hacie.” Tampoco por aumenta e contribucion di e mayornan pa SKOA ya cu esaki lo por afecta acceso na educacion. Pues hues ta indica cu ta ‘inevitable’ pa SKOA y gobierno bolbe dialoga pa yega na un solucion adecua y definitivo, ya cu ta considera cu por concede e exigencia di e empleadonan.

Durante e audiencia den corte a revela cu SKOA tabata establece contract di trabao cu e werksternan sin documenta esakinan por escrito. Funcionario di Recurso Humano di SKOA y algun di e werk-

por cambia e contract laboral, ta nota cu no tin un acuerdo por escrito den cual lo por a inclui un clausula di modificacion unilateral. Pero sin esaki, un trahador en principio no ta obliga pa acepta propuesta di e dunador di trabao pa cambia e condicionnan laboral, sino cu mester yega na un acuerdo cu cada trahador individualmente. SKOA a logra den algun caso, pero toch den e negociacionnan cu e werksternan no a yega na un acuerdo.

E werksternan a designa sindicato SEPPA pa representa nan, y tanto SEPPA como SKOA ta acusa otro di no kier negocia. Sinembargo, door di no tin un acta di nombramento igual na un ambtenaar, pais Aruba no ta afecta den e caso cu a dicide na 2015 di compensa e werksternan como ambtenaar y luego retira esaki abruptamente. SKOA no por replica e comportamiento aki door di no permiti un dialogo razonable. Door cu SKOA a evita e dialogo, pa e motibo aki riba su mes, no por invoca articulo 7:611 di Codice Civil.

Asina mes, hues a considera cu ya cu SKOA ta depende di loke pais Aruba ta dispuesto pa subsidia, si e subsidio disminui, SKOA no por evita di tuma medida pa baha gasto. Pues SKOA tabata den libertad pa haci un propuesta di reduccion salarial boluntario na tur empleado. Sinembargo, a considera cu e propuesta cu

SKOA a haci e empleadonan no ta razonable, ya cu ta implica un modificacion permanente di e condicionnan laboral primario, y ta afecta mas di 30% di e ingreso anual di e werksternan. Hues ta indica cu SKOA mester duna un periodo di transicion durante cual lo reduci e componen-tenan di e salario pa permiti pa e empleadonan ahusta nan gasto, y esaki no tabata den e propuesta di SKOA. Tampoco SKOA a splica pakico no a propone ni discuti sacrificio di parti di otro empleadonan. Pa e motibonan aki, Corte a considera cu e empleadonan tabatin derecho pa rechasa e propuesta di SKOA.

E empleadonan a solicita pa SKOA paga e debe salarial corespondiente como tambe e sancion legal y interesnan legal. Sinembargo, a considera cu esaki no ta practico y lo por provoca problema di checucion. Mester ta factible pa calcula facilmente cuanto SKOA a paga di menos na cada empleado desde dia 1 di augustus 2022, y pues corte no a duna un sancion legal riba esaki ya cu ta considera cu no ta existi un base suficiente di equidad considerando tur circunstancia di e caso.

A remiti e caso na e lista di espera di 20 di februari proximo pa asina e empleadonan presenta e calculonan menciona, y SKOA lo tin oportunidad di responde na esakinan.

Asina a pospone cualkier otro decision adicional.

 <p>Voorzitter van de Vaste Commissie voor Onderwijs Mw. drs. Shailiny Tromp-Lee L.G. Smith Boulevard 72 Aruba</p> <p>Oranjestad, 7 februari 2024</p> <p>Onderwerp: Bijeenroeping van een vergadering over de implicaties van de uitspraken (AUA202303049, AUA202303050, AUA202303051, AUA202303052 en AUA202303054 t/m AUA202303060 EJ) voor de stichting SKOA.</p> <p>Geachte mevrouw Tromp-Lee,</p> <p>Aan de hand van deze brief vraagt ondergetekende uw aandacht op het volgende:</p> <p>Ondergetekende benadert u met respect met het verzoek om zo spoedig mogelijk een vergadering bijeen te roepen, waarin de Stichting SKOA een omvangrijke uiteenzetting aan de Vaste Commissie voor Onderwijs kan geven over de implicaties van deze uitspraken (AUA202303049, AUA202303050, AUA202303051, AUA202303052 en AUA202303054 t/m AUA202303060 EJ).</p> <p>Ondergetekende vertrouwt erop u hiermee naar tevredenheid te hebben geïnformeerd en rekent op uw medewerking.</p> <p>Hoogachtend</p> <p> Mw. Aquanette A. Gunn Statenfractie MAS</p>	<div style="border: 2px solid blue; padding: 5px; width: fit-content;"> <p style="text-align: center; margin: 0;">STATEN VAN ARUBA</p> <p style="margin: 0;">Ingek: 07 FEB 2024</p> <p style="margin: 0;">Volgnr: IS/478/23-24</p> </div> <p style="margin-top: 10px;">  </p>
---	---

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Parlamentarionan Hulandes ta cuestiona aspectonan di Relacionnan di Reino

Kamminga preocupa pa ‘retorica’ di gobierno di Aruba tocante RAft

Den e verzaeldebat CAS, cu a tuma lugar siman pasa, diferente miembro di Parlamentario a presenta hunto cu Secretario di Estado pa Relacionnan di Reino, Alexandra van Huffelen, pa discuti diferente tema di interes relaciona cu e islanan Corsou, Aruba y Sint Maarten.

Jan Patternote di D66 a cuminsa e sesion destacando cu como Reino cu ta inclui e pais na Europa como tambe e seis isla den Caribe, tin mas influencia riba mundo cu lo tabatin cada pais apart. El a insisti cu nos ta lucha pa un futuro basa riba igualdad, solidaridad y confiansa mutuo. Segun Patternote, den e parti Caribe di Reino tin presion cu ta afectando e bienestar y prosperidad di e habitantenan, manera miho educacion, sostenibilidad y proteccion di e naturalesa y habitatnan unico. Riba e tema di inversion di gobierno Hulandes, Patternote a puntra cuanto proyecto a keda proponi pa Caribe y cuanto a keda aproba pa e islanan. Ademas, a menciona cu kier pa ehercito di henter e Reino muestra mas igual, sugeriendo cu mester bin mas participacion di ciudadanonan Caribe den ehercito Hulandes. El a cuestiona e legislacion cu ta permiti Arubiano y Curasoleño eherce un carera den ehercito, y con por ta cu esaki ta pega siendo cu nos sociedad ta na un momento unda cu tin mester di mas personal militar.

E tema di refugiado tambe a keda menciona, incluyendo maneranan cu Hulanda por comparti recurso y experticio pa atende esaki. Raoul White di Groenlinks a enfoca riba esaki y tambe riba e geschillenregeling y e rol di Eerste y Tweede Kamer den esaki. White a indica cu maske den acuerdo di coalicion a indica cu lo bin cu un solucion pa esaki, te awo no a ricibi ningun propuesta.

White tambe a papia tocante e condicionnan hopi estricto cu Hulanda a pone mara na e landspakket pa Aruba, cu segun White, a trece discordia entre gobierno di e islanan y gobierno Hulandes, y a puntra e Secretario di Estado con ta pensa pa soluciona y mancha esaki. Ademas, White a pidi Van Huffelen un actualisacion riba e ley di Reino pa supervision financiero pa Aruba, RAft. E parlamentarario a indica cu a compronde for di CAft cu pa motibo di mas entrada di impuesto, Aruba ta den un miho situacion financiero, y a puntra si ta bay usa e entrada adicional pa paga debe di e pais. Tambe e comision a atende e tema di pobresa. Faith Bruyning di NSC a menciona cu Aruba na november tambe ta evaluando pa introduci un minimo social. Esaki lo permiti pa hendenan cu no tin empleo toch por sobrevivi, segun Bruyning, y alabes mester percura pa e onderstand



y pensioennan cu gobierno ta paga keda realistico relaciona cu e costo di bida. Sinembargo, el a reconoce cu cada pais ta autonomo pa dicidi con ta atende cu e temanan aki, pero e ta considera cu Hulanda ta bon prepara pa conseha Aruba riba e temanan aki.

Bruyning a menciona tambe cu educacion ta keda un tema esencial pa e paisnan CAS. Referiendo na e doorlichting rapport, el a puntra con ta atendiendo a base diario cu enseñansa pa sigura cu ta logra e metanan a largo plaso. Di su banda, Peter van Haasen di PVV a menciona e espiritu di colaboracion y asistencia cu mester tin den Reino. Sinembargo, el a cuestiona e posicion di e paisnan unda ta cla pa ricibi placa pero no kier pa mete den nan asunto. “Nos placa si ta bon bini, preferiblemente sin condicion ni restriccion. Aruba hasta ta dispuesto pa paga interes mas halto tanten nos no mete,” el a comenta.

Riba e tema di educacion, el a menciona cu e problemanan den enseñansa na e islanan CAS tin consecuencia pa e studiantenan cu ta continua nan estudio na Hulanda. Tin diferencia di cultura y idioma, y e educacion no ta match cu otro, cu consecuencia cu mas cu mita di e studiantenan no ta termina nan estudio sino solamente ta termina cu debe. “Dus na lugar cu nan bay back studia pa yuda nan pais, nan ta bay back cu debe y berguensa, si nan no keda atras sin trabao... of ta cay den criminalidad,” el a comenta. “No ta un futuro color rosa pa e generacion aki.” Van Haasen a indica cu mientras mas autonomo e paisnan aki por ta, miho pa nan economia y pa e muchanan di Caribe.

Tocante e studiantenan, White a sugeri cu si Van Haasen ta asina preocupa pa e debe di studiantenan di islanan CAS, por haci uso di un regeling cu ta permiti pa cancela e debe di estudio. Van Haasen a bisa cu e cuestion ta bay mas pa sigura cu e studiantenan cu ricibi un lening pa continua nan estudio na Hulanda ta bon prepara y bon educa na e islanan mes pa asina nan por match den educacion Hulandes y por bay back nan isla cu un diploma. El a menciona cu si



educacion na e islanan ta na Papiamento, e ora ta hacie dificil pa continua educacion den idioma Hulandes. El a insisti cu ta importante pa e educacion na e islanan ta di mesun nivel cu ta pas cu educacion na Hulanda, pero cu esaki ta keda na gobierno di e islanan mes.

Patternote a puntra Van Haasen tocante un propuesta di PVV pa deporta ciudadanonan di e islanan Caribeense cu ta comete crimen na Hulanda back na nan isla di origen, si e partido tin plan pa implementa esaki. Van Haasen a contesta cu tin rumornan den medianan di comunicacion tocante e propuesta, pero cu e no por bisa kico tin of kico no tin skirbi aden. Patternote a añadi cu un propuesta asina lo bay contra Statuut.

Roelin Kamminga di VVD, kende tabata cubriendo pa un colega, a lamenta cu ta keda pega riba e mesun temanan cu den su opinion lo tabata miho si por a resolve esakinan caba y asina por a pasa na e tema di agenda di reforma. Kamminga a bisa cu e ta extremadamente preocupa pa e hecho cu ainda ta falta e RAft, ya cu esaki ta indica cu gobierno di Aruba ainda no ta tumando e stapnan necesario, y cu e habitantenan tin cu bay paga alrededor di 30 miyon extra pa aña pa motibo di esaki. Kamminga a comenta cu el a

tuma nota di e ‘retorica di e gobierno’ na Aruba, cu a caus’e preocupacion, pa motibo cu ta bisa cu no ta importa si ta pone e condicionnan den un ley nacional (LAft) of den un ley di Reino (RAft). Esaki si ta importante, segun Kamminga, y a pidi Secretario di Estado Van Huffelen pa confirma si nan ta riba mesun linea cu Aruba mester implementa e RAft. E tin speransa cu por resolve esaki rapidamente pa asina finalmente por pasa na e agenda di reforma. El a bisa cu e kier pa cuminsa atende cu e agenda di reforma pa motibo cu ta na e punto aki cu ta bay tin cu cuminsa tuma decisionnan dificil, y evalua si e reformanan ta bay tin consecuencianan tin biaha negativo a corto plaso, cu ta bay haci dolor, pero cu ta bay duna resultado a largo plaso.

Kamminga a destaca cu ora ta papia di e islanan ta papia di un futuro sostenible, pero cu e realidad ta lo contrario, pasobra e caminda mas lihe pa autonomia ta un bon economia, bon maneho financiero, y bon supervision, esaki ta den interes di tur habitante di e isla.

Den nos siguiente edicion, Secretario di Estado ta atende cu e preguntanan di e parlamentarionan.

Prome Minister Evelyn Wever-Croes:

Ban tur hunto ta doñonan di mascota mas responsabel

E luna aki nos kier sigui conscientisa nos comunidad tocante e problematica di cacho na Aruba. Un problema cu ta causa molester keto bay cerca hende practicando deporte, cu hasta ta cana cu un palo den man (pa si en caso nan mester defende nan mes ora un cacho ataca nan). Ciclistanan por accidenta mas lihe ora cacho ta persigui nan.

Minister Ursell Arends a nombra luna di januari como luna di microchip mascota. Microchip mascota ta un punto di salida hopi importante pa muestra cu bo ta un doño di mascota responsabel. P'esey nos ta urgi tur hende pa chip nan mascota. Importante ta pa nos realisa



e responsabilidadnan ora di dicidi di tuma un mascota y tur locual ta rekeri pa nos por cuida bon pa nan. Na Merca, luna di februari ta luna di conscientisa comunidad tocante sterilisacion y castracion di mascota. E no

ta solamente un bon manera pa yuda cu control di e poblacion, e tin tambe hopi beneficio pa e salud di mascota mara na e operacion aki. Prome Minister Evelyn Wever-Croes a duna di conoce cu na 2019 Ministerio di Asuntunan General a institui un comision di accion pa logra e metanan di e plan nacional pa atende cu e problematica di cacho na Aruba. Asina a bin ta logra varios cambio necesario, manera e Centro di Control di Cacho (CCC) cu tawata e prome logro y a elimina e imagen di "kill-cage" cu tawatin pa hopi aña. A introduci un Unidad di Control di Cacho (DCU), y a manda pidi pa revision di e leyman vigente pa cu pun-

tonan cu ta importante pa nos tin den nos ley, entre otro registracion pa controla e rasamento di cacho, registro obligatorio di tur cacho a traves di microchip, y mas punto cu mester un base legal mas fuerte. Tambe Gobierno di Aruba tur aña a lansa un concurso di pintamento pa conscientisa nos muchanan di chikito caba tocante Aruba su Ley di Cacho.

Na 2021, Prome Minister a traspasa e plan nacional pa su colega Minister Arends por sigui ehecuta esaki den su ministerio di naturalesa y a sigui logra pasonan crucial. Un di nan sumamente importante, tawata pone medianan disponibel pa laga dis-

eña un database pa registro di mascota, cumpra microchip pa ofrece na comunidad pa por registra nan cacho den e database, cumpra mas material pa e CCC y tambe pa e DCU (cu desde medio aña 2022 no ta activo mas) y tambe pa organisa campananan di conscientisacion.

Tambe a logra cu e proyecto di Animal Control Department a wordo aproba como inversion pa e aña 2023 di cual construccion lo cuminsa e aña aki. Y finalmente e material di educacion cu ta den fase final pa por wordo presenta na tur scol preparatorio y scol basico pa nan uza esaki entrante e aña escolar nobo. Cuerpo policial tambe a haya curso pa por a inicia cu campaña di conscientisacion y accion pa doñonan mantene nan cachonan den cura.

"Ainda tin hopi mas cu Gobierno di Aruba ta desea di logra riba e tereno aki. Pero Gobierno su so no por soluciona e problema aki. Ta hunto nos mester haci'e. Y e ta cuminsa cu nos cada un cu tin un mascota purba ta un doño di mascota mas responsabel", Prome Minister a expresa.



Minister di Turismo ta critica oposicion pa no presenta den Parlamento

Dialuna mainta pa 9am mester a trata presupuesto di Tourism Product Enhancement Fund (TPEF) pa presenta tur proyectonan di upgrading di e producto Aruba pa aña 2024. Pa un reunion publico por cuminsa mester tin 11 miembro di parlamento den sala presente.

Ayera mainta na parlamento tabatin 14 miembro den e edificio, dus reunion por a cuminsa sin problema. Esaki no tabata e caso, ya cu presidente di parlamento mester a cancela y pospone e reunion pasobra oposicion no kier a drenta sala, segun un comunicado di gobierno. E personanan cu no a drenta sala ta hendenan cu tin hopi aña caba den politica, hendenan cu tabata hasta parti di coalicion y oposicion. Ta trata di miembronan di AVP Dowers, Wyatt Ras, miembronan di MAS Marisol Lo-



pez Tromp y Gunn y tambe miembro independiente Gerlien Croes.

Segun Oduber, "ta lamentabel y condenabel e actitud infantil y falta di madurez politico di parti oposicion pasobra nan sa e reglement van orde, pero toch nan a opta pa no drenta sala y asina perhudica e reunion bay door, perhudica e ley di TPEF wordo trata cu consecuencia cu e proyectonan ta keda ariba un status quo, paso nada no por cuminsa tanten cu e ley wordo aproba."

Hopi di e miembronan di oposicion cu a keda para pafota e mas jongnan cu awendia ta papia di trece un politica nobo, un politica moderno, un politica diferente unda tur parlamentario mester traha hunto pa bienestar di Aruba, e comunicado ta continua. Politiconan nobo manera Gerlien Croes cu tur ora ta

boga pa union y tambe pa cambia e manera di hiba politica distinto. "Awe pueblo por tabata testigo di e politica bieu y tradicional cu oposicion ta hiba! Ora di demostra cu accion cu nan ta hiba un politica diferente, e grupo aki a gewoon actua di mala fe manera mucha chikitanan pa 'purba' tranca e proceso. Tur proyecto cu tin ariba e programa pa cuminsa, ta pendiente y lo tuma mas tempo awo pa cuminsa."

Minister Dangui Oduber kier a laga pueblo sa cu e proyectonan aki lo wordo ehecuta si. E reunion lo continua y ta pendiente awo di un fecha nobo. Segun Oduber, politiconan di oposicion a demostra cu nan kier cobra y nan no kier traha pasobra ora e momento yega pa debati den sala di parlamento nan ta opta pa no drenta!

LOTTO 5 Cuminsando cu 4 florin, bo por gana e suma grandi aki

Afl. 400.000,-

Obtenibel na cualkier rebendado di Lotto. sorteo ta awe nochi 7:45 pm

HUNGA AWO

Facebook, Twitter, Instagram, YouTube icons

Cambodia ta reporta un caso di griep aviar nobo

(AP)—E ruman homber di un mucha cu a muri siman pasa di griep aviar a test positivo pa e virus, segun e ministerio di salud na Cambodia a bisa dialuna. E morto di e mucha di 9 aña den e provincia di Kratie tabata e prome di griep aviar den Cambodia e aña aki, despues cu cuatro a ser reporta aña pasa pa e Organizacion Mundial di Salud (WHO).

Griep aviar, conoci tambe como e influenza aviar, ta plama normalmente entre galiña y no a ser considera como un menasa pa hende te ora un plamamento a pasa na 1997 entre bishitantenan di mercadonan di criadero na Hong Kong. Mayoría caso humano a envolve contacto



directo cu e bestia, pero tabatin preocupacion cu e virus por evoluciona pa plama mas

facil entre hende.

WHO y e Organizacion di

Cuminda y Agricultura di e Nacionnan Uni a adverti e luna aki cu celebracion di

Aña Nobo Lunar den mayoría parti di Asia por ta un riesgo halto pa e plamamento di e virus. Den un declaracion, e ministerio di salud na Cambodia a bisa cu e ruman di 16 aña a test positivo pa e virus diadomingo pero no tabata muestra ningun sintoma. E hoben a haya tratamento medico, y oficialnan ta investigando ken tabatin contacto cu e rumannan y con y unda nan a contrata e virus.

E ministerio a bisa cu e mucha cu a muri siman pasa a bira malo cu keintura, problema respiratorio, tosamento y desmayo despues di come cuminda cu su mayornan a cushina uzando galiña y pato cu nan a cria.

Hulanda:

Seguro di salud ta keda puntra hende muhe pa manda potret sunu pa reconstruccion di pecho

(NLTimes)—Seguronan di salud Hulandes ta keda puntra pashentnan di cancer di pecho pa manda potret di nan pecho prome cu nan aproba operacion di reconstruccion, aunke e ministerio di salud a prohibi e practica aki.

E potretnan no semper tabata mancha cuidadosamente, y hende muhenan ta keda den un procedura no transparente den cual operacion ta ser reembolsa solamente despues di entrega keho, NOS a descurbi.

Hopi hende muhe cu a amputa nan pecho debi na cancer of como un medida preventivo ta opta pa reconstruccion di pecho. E prome operacion di reconstruccion ta ser reembolsa como standard. Pero e operacion siguido, por chempel, debi na dolor of desviacion, mester haya aprobacion prome for di e seguro. Esey no ta requisito pa reconstruccion despues di

un forma di cancer.

Den mayoría caso, seguronan di salud ta rekeri potret pa evalua si nan lo reembolsa e operacion siguido. Despues di un conmocion tocante esaki na 2021, e ex-minister di salud Ernst Kuipers a prohibi seguronan puntra hende muhe pa manda potret sunu. Desde 1 di januari 2023, hospitalnan mester tuma e potretnan, y un ciruhano lo entrega esakinan na e seguro.

Pero seguronan no ta adheri na reglanan, NOS a descubri despues di papia cu varios hende muhe cu mester a entrega potret na mes. Martin van der Merwe a tende for di empleado di su seguro, Zorgzaam, cu e potretnan cu el a manda via e website a bay di oficina pa otro. Un otro empleado a conseh'e pa mand'e e potretnan via un e-mail no sigura.

Seguro di Christel Frohner—CZ—a rechasa un



operacion siguido despues di reconstruccion di pecho aunke su ciruhano a ordena esaki. CZ a cont'e via telefon pa manda potret di su pecho via e-mail sigura si e tabata kier reconsidera reembolso. El a haci'e, pero ora el a yama pa puntra atrobe, e seguro no por a haya su potretnan y a

puntr'e pa mand'e atrobe.

Seguro VGZ a conta NOS cu e ta puntra aseguradonan pa manda potret solamente den e evento di un keho, y esakinan mester ta preferiblemente potretnan saca den hospital. E seguro a instrui su empleadonan y lo conduci

controlnan adicional, el a bisa. VGZ no kier a contesta pregunta tocante perdemento di potret, potretnan cu ta pasa di un oficina pa otro, of violacion di reglanan por medio di puntra hende muhe pa entrega potretnan nan mes.

Casi 160 empleado di prison despedi a causa di violacion di integridad

(NLTimes) – Casi 160 empleado di prison a keda despedi pa corrupcion y relacion cu detenidonan den 4 año.

For di año 2020 pa año 2023, casi 160 empleado di prison na Hulanda a keda deteni pa corrupcion, trafico di droga of telefon den prison, tin relacion cu un detenido of leak informacion sensitivo. Otro 170 a keda castiga di otro maneranan, segun RTL Nieuws a reporta basa riba su



propio investigacion.

Centenares di reportahe di mal conducta a keda entrega

contra empleadonan di prison den e periodo di 4 año. Algun biaha, tabata trata di eror humano, manera lo cera un porta corectamente. Otro casonan a laga e empleadonan di prison vulnerabel na soborno of blackmail di parti di e detenidonan segun e noticiero. Tambe el a conta 39 suspension disciplinario den 2020, 45 den 2021, 31 den 2022 y 43 den 2023.

Tabatin 77 caso unda e guardianan tabatin contacto no au-

torisa cu e detenidonan. Nan a transferi placa pa nan of tabatin relacion sexual cu nan. Tabatin tambe 41 reportahe di guardianan cu tabata trafica droga of telefon dentro di prison. Ora cu e empleadonan di prison haci un fabor pa e detenidonan of bira victima di blackmail, e por “facilita e comportamiento criminal dentro di prison.” Por chempel, e condenadonan por sigui trafica droga of te hasta planea un asesinato for di dentro di nan cel.

Corsou

Lansamento operacional di produccion di asfalt na refineria den plan pa fin di mei

(CuraçaoChronicle) - Curaçao Refinery ta na caminda pa cuminsa cu produccion di asfalt na un seccion designa pa fin di mei segun Harry Sargeant III, CEO y fundador di Global Oil Management Group LLC (GOMG).

Durante un conferencia di prensa na Fort Nassau, cu presencia di Matthew Addington, president di Asuntonan Internacional, Sargeant a confirma cu e comienso operacional ta alinea cu e schedule anteriormente comunica pa mei

di año 2024. A pesar di algun atraso den e preparacionnan, cual Sargeant a atribui na e significado di Pasco y Año Nobo na Corsou, e schedule ta permanece di acuerdo na e tempo cu a establece.

Crucial na e produccion di asfalt tin e suministro di petroleo crudo, cu GOMG plan di ricibi esaki for di Venezuela, entre otro localidadnan. Sargeant a enfatisa cu esaki ta autorisa bao General License 44 di Merca su Office of Foreign Assets Control (OFAC) y cu e sancionnan recien di Merca contra Venezuela no



tin impacto riba e areglo aki. Sin embargo, Sargeant a admiti cu tin potencial di influencia di circunstancianan geopolitico cu por cambia.

Di manera proactivo, Sargeant a enfatisa tambe cu GOMG no ta depende solamente riba crudo di Venezuela, “aunke e petroleo aki ta ideal pa produccion

di asfalt.” Mientras cu el a informa cu tin alternativa, detayenan specifico tocante esaki no a keda revela.

Juni ultimo, GOMG a firma contract inicialmente di 5 año cu Refineria di Corsou, e entidad di gobierno responsabel pa e refineria y e areanan alrededor di esaki. Preparacionnan, incluyendo

mantencion y trabao di reparacion riba e refineria, tin desde e tempo aki andando.

Sargeant a reitera e importancia di sigura un comienso safe pa e instalacion di ambos empleadonan y ambiente, citando e necesidad pa medidanan di coreccion a causa di e ceramento cu no tabata optimal den pasado.

Corsou:

Piscador ta fayece tragicamente despues cu ola a bay cu su persona

(CuracaoChronicle) - Un incidente tragico a sucede diadomingo mainta ora cu un piscador a fayece durante un actividad di piscamento na Shut. E individuo, desafortunadamente a cay victima na e forsa di un ola poderoso, cual a haci cualkier esfuerso di rescate inutil, segun un reportahe di Caribbean Coast Guard.

E piscador, compana pa un colega, tabata tirando e liña na parti nort ora cu un ola grandi inespera a dal contra nan. E victima a haya su mes sin por sali for di e awa independientemente, un contraste grandi na e sobrevivencia



afortuna di su compañero.

Cuerpo Policial di Corsou a

drenta den contacto cu Centro di Operacion Maritimo (MOC) di Warda Costa, pidiendo asistencia den localisa e piscador cu a cay den awa. Wardacosta Caribense inmediatamente a dirigi un helicopter di MOC na Shut pa por facilita un operacion di rescate.

E helicopter a logra yega na y retira e curpa for di awa y a haci un aterisaje solemne unda profesionalnan medico a confirma e fayecimento tragico di e piscador.

E comunidad di e costa ta lamenta e perdida di un bida dilanti e forsan inespera di naturalesa.

Ministernan Hulandes ta birando menos dispuesto pa contesta peticion di ciudadano pa informacion

(NLTimes)—Ministernan ta birando mas slow den nan contesta pa peticionnan pa comparti informacion cu, por ehempel, ciudadano- y reporteronan. Den 2023, nan mester a warda un averahe di 172 dia pa documentonan cu nan a pidi via e Wet open overheid (Woo). Esey ta cinco dia mas largo compara cu un aña pasa y mas largo cu e limite di 28 dia, segun investigadonan ta reporta.

Ciudadano-, reportero-, compania- y organisacionnan di sociedad civil por puntra



ministerionan y otro organizacion di gobierno pa informacion por medio di manda un peticion di Woo. Nan por haya bista den con e gobierno ta haci decisionnan, por

ehempel, por medio di mira e-mailnan y reportahenan di combersacion. E sa tuma hopi tempo pa ministerionan compila informacion y determina kico nan por haci pu-

blico y kico no.

Legalmente, organisacionnan gubernamental mester responde dentro di 28 dia. Nan por extende esaki pa 42 dia si nan mester mas tempo, den practica, ministerionan ta tuma hopi mas tempo pa contesta. E contesta pa bin demasiado laat den cuatro di cinco peticion di Woo.

E ministerio di educacion, cultura y ciencia ta responde mas lihe, den un averahe di 91 dia. E ministerio di finanzas ta esun mas slow, cu un averahe di 239 dia. Un motibo frecuentemente duna pa

pakico ministerionan ta responde demasiado laat ta cu nan informacion no ta adecuadamente organisa, y p'esey, dificil pa haya. E investigadonan no ta pensa cu esaki ta un bon defensa pasobra mayoria informacion por ser obteni for di par sistema. Segun nan, demasiado hende di ariba mester aproba e documentonan prome cu publica nan. Tin biaha, hasta ministernan ta mirando.

E investigadonan lo entrega nan rapport pa parlamento otro siman diamars, ken lo debati e Woo diahuebs.

Rutte ta urgi contra atake riba Rafah; orden di emergencia rond embahada Israeli

(NLTimes)—Prome minister demisionario Mark Rutte a urgi Prome Minister Israeli Benjamin Netanyahu pa reduci e nivel di forsa uza contra e pueblo Palestino y preveni accion militar den Rafah riba e mesun dia cu Hulanda a anuncia cu e lo apela contra un orden di corte pa stop di provee piesanan di F-35 fighter jets na Israel. Alcalde Jan van Zanen di Den Haag a implementa un orden di emergencia rond di e embahada di Israeli despues cu un menasa a resulta den e ciudad aumentando seguridad siman pasa.

Rutte a bishita Israel y e teri-



torionan Palestino dialuna. “Den mi discusionnan awe cu Prome Minister Israeli Netayahu y Minister Benny Gants, atrobe mi a haci un apelacion urgente pa reduci e nivel di forsa. Accion militar

den Rafah lo tin consecuencias humano catastrofico. Ademas, Israel mester permiti hopi mas ayuda humanitario den Gaza, y mas lihe,” el a bisa riba X despues di e reunion.

Tambe el a reuni cu Prome Minister Palestino Dr. Mohammed Shtayyeh. Nan e discusion aki, acceso na ayudo humanitario “tambe ta un topico clave,” Rutte a bisa. “Como tambe e importancia pa libera tur rehen manteni pa Hamas.” Nan a discuti un solucion di largo plaso pa e conflicto. “Esey ta rekeri un solucion politico duradero: un estado Palestino realistico existiendo hunto cu un Israel sigura. Pa esaki sea exitoso, e Autoridad Palestino mester haci reformanan.”

Den e reunion di conseho na Den Haag dialuna anochi, alcalde van Zanen a anuncia cu el a implementa un orden di emergencia rond di e


embahada Israeli riba Johan de Wittlaan, segun Omroep West a reporta. E orden di emergencia ta permiti polis check e embahada, controla hende rond di dje, y nenga acceso na e edificio. E ciudad a desplega extra seguridad rond di e embahada siman pasa.

Dialuna, e alcalde a bisa cu e ciudad ta tuma un menasa contra e embahada hopi serio. “Mi ta realiza hopi bon con drastico e ta pa medio ambiente y e trafico cu no por uza parti di Johan de Wittlaan,” el a bisa. “Si mi por informa bo tocante cambionan den e situacion, mi lo haci esey.”

Tres hende cu conexcion cu Hulanda riba lista di personanan busca Ruso

(NLTimes)—Tres hende cu conexcion cu Hulanda ta riba e lista di personanan busca di e ministerio di asunto interior na Rusia, segun un investigacion pa e plataforma Ruso Mediazome. Un dama di 31 aña ta lista como un stranhero den e ehercito Ucrainiano—Rusia ta sospech’e di a uni cu e International Legion y bringando pa Ucrania. E lista tambe ta inclui un homber di 76 aña y un homber di Armenia naci na Alkmaar, Noord-Holland.

Otro Europeanan riba e lista ta inclui e prome minister di



Estonia, Kaja Kallas y secretaria di estado Taimar Peterkop, varios ministernan 67 parlamentarionan di Latvia, y

dos alcalde di Ucrania. Piotr Hofmański, presidente di e International Criminal Court (ICC) tambe ta riba e lista di

personanan busca.

Casi 97,000 hende tabata riba e lista na comienso di febr-

ari, segun Mediazome. Casi tur (98%) ta bin di Rusia of otro pais cu tabata parti di e Union Sovietico. Rusonan ta mas representa cu 31,484 riba e lista, sigui pa Armenionan (11,242) y Uzbekonan (10,473). Tambe tin 3,835 Ucrainiano riba e lista.

Mediazome a subraya cu e database no ta lista pakico e hendenan ta ser busca, pues ta dificil pa distingui entre hendenan busca pa motibonan politico y esnan busca pa otro motibo. E plataforma a nota si cu 396 hende ta lista como “stranheronan den e ehercito Ucrainiano.” E dama Hulandes ta riba e lista aki.

Debi na aumento continuo di prijs, consumo di combustibel a disminui na Argentina

(EFE) – Consumo di combustibel na Argentina a baha despues di e aumento di prijsnan for di december ultimo, un aumento cu ta bay continua debi na politica di gobierno nobo di Javier Milei pa sector di hidrocarburo.

Segun varios fuente di e sector aki, e demanda di combustibel den e stacionnan di gasolin a baha na januari casi cu un 10%.

E disminucion di consumo a cuminsa sinti caba na december, cu un recorte di 7,8% pa november, segun datonan di Instituto Argentino di Energia ‘General Mosconi’.

Pa motibo di un inflacion super halto y perdida di poder di compra den e salarionan di Argentina, e consumidornan a recorta nan consumo den e stacionnan di gasolin despues cu e prijsnan aumenta na december, januari y na comienso di februari.

E ‘Naphtha super’ cu ta un parti di petroleo natural cu por ser haya den e destilacion di gasolin (esun di mas economico na mercado di Argentina) ta ser bendi actualmente na 87 cen di dollar pa



liter na stacionnan di gasolin na Buenos Aires pa YPF, e productor mas grandi di hidrocarburo y comercialisador di combustibel na Argentina. Te november 2023, e balor di e Naphtha super na capital a acumula un aumento di 107% den e aña, mas abao cu e inflacion di 160,9% acumula aña pasa.

Pero na december a registra un subida mensual di 77,8% y na januari, un di 26,4% producto di e politica nobo di Ehecutivo di Milei pa asina libera e prijsnan congela di economia, y den e caso di combustibelnan, hiba nan na nivelnan mas adecua cu mercadonan internacional y mas rentabel pa empresanan di e

sector. Na esaki, a suma un otro aumento di 6,43% 1 di februari ultimo, debi na decision di Gobierno di activa un actualizacion na cierto impuestonan riba combustibel cu e administracion anterior a atrasa y pa loke ta spera un aumento nobo pa maart y mei. Den scenario aki, e prijs di

Naphtha a acumula for di december un aumento di 139,2% hopi mas halto na e evolucion di e tasa di inflacion, di 25,5% na december, segun datonan oficial y di 19,4% na januari, di acuerdo cu calculonan.

Prijsnan di combustibel ta nifica un peso fuerte den e costo di transporte di carga, den e generacion di coriente y den e logistica di agricultura, entre otro actividadnan, por lo tanto, ta influencia hopi den formacion di prijsnan di economia general.

Durante añanan, e prijsnan di combustibel na Argentina tabata fuertemente regula. E pais aki ta importa cerca di 30% di e demanda di mercado domestico di Naphtha y gasoleo, e resto ta cubri cu crudo produci y refina localmente.

Pero gobierno nobo cu a asumi na december ultimo a dicide di caba cu e denomina “bari crioyo,” un prijs subsidia di crudo pa mercado domestico di 58 dollar –compara cu e bari actual di Brent di 79 dollar,- lo cual tabata permiti mantene “stand by” e prijsnan di combustibel.

Gobierno di Colombia ta declara emergencia carcelario pa combati gruponan criminal

(NTN24) - Ministerio di Husticia di Colombia a informa cu autoridad penitenciario di Colombia dialuna ultimo a declara “estado di emergencia” na henter e pais despues cu a registra varios atake contra e guardianan den prissonan local cu a laga un funcionario morto como resultado.

“Nos a caba di aproba den conseho directivo di Inpec (Instituto Nacional Penitenciario y Carcelario) e declaratorio di emergencia carcelario,” segun minister di Husticia, Nestor Osuna informa prensa y a resalta cu e medida tin como obhetivo reforza seguridad den prissonan.

Diasabra di fin di siman ultimo, un guardia a ser asesina cu tironan pa dos homber cu tabata cora un brommer ora e tabata saliendo di e prison di San Sebastian di Ternera, na ciudad di Cartagena.

Otro atake contra guardia a registra na municipio di Jamundi, Valle del Cauca, cu



un number no determina di guardia di Inpec herido, segun autoridadnan a señala y tambe “a wak papelnan cu menasa na diferente prison,” minister a informa den un boletin.

Debi na atakenan, un sindicato di funcionarionan penitenciario a menasa di bay welga si no tuma e medidanan necesario.

“Emergencia carcelario tin dos finalidad: protege e bida y integridad di e funcionarionan di prison y elimina completamente extorsion y corrupcion cu ta bin for di prison,” minister di Husticia a splica.

Un di e prome medidanan segun minister, ta bay ta e asignacion “di un fiscal specifico pa investiga homicidionan

contra guardianan di Inpec y otro fiscal specifico pa casonan di extorsion carcelario y corrupcion.”

Entre otro medidanan cu a tuma, a informa cu Inpec ta bay limita e bishitanan y derechonan di comunicacion di algun preso. Ademas gobierno ta bay reforsa e presencia policial y militar rond di tur prison di e pais.

Debi na captura di Mauricio Marin Silva, alias “Nacho,” un di e hefenan di e grupo “La Inmaculada” of tambe conoci como “La Oficina,” e grupo aki a asesina un guardia di transito, a kima 8 auto y a menasa e alcalde di Tulua, Gustavo Velez.

Pa e situacion aki a tuma e decision di militarisa e ciudad ey, pero segun a informa dialuna ultimo, e situacion ta bao control.

Mester señala cu emergencia penitenciario na Colombia ta bin na momentonan cu ta registra un crisis serio di seguridad na e pais bisiña, Ecuador, na unda gruponan criminal a provoca un muestra di poder violento for di prissonan den represalia pa e politica gubernamental di man duro pa enfrenta narcotrafico.

Sistema penitenciario di Colombia, tin mas di 190.000 detenido den condicionnan serio di aglomeracion, segun cifranan oficial.

Puerto Rico: Auditoria federal ta haya cu ta 'resta hopi trabao' den recuperacion di horcan y temblor



(AP) — Puerto Rico ta ehecutando trabao di reconstruccion despues di dos horcan devastador y un serie di temblor fuerte, y a gasta menos cu 10% di e mas di \$23 biyon den fondo federal disponible, segun un rapport di gobierno Mericano publica ayera.

E teritorio Mericano tin un "cantidad substancial" di proyecto permanente cu ainda ta pendiente mientras nan costo ta aumenta y ta menasa di stop trabao di reconstruccion, segun un auditoria di Government Accountability Office (GAO).

"Mas cu seis aña despues di horcannan Irma y Maria, e recuperacion di Puerto Rico ta andando," e rapport a declara. E rapport tambe a haci referencia na un serie di temblor cu a dal region sur di e isla na december 2019 y januari 2020, causando miyones di dolar di daño.

E rapport a haya cu mas di \$11 biyon di e \$23.4 biyon otorga pa Agencia Federal di Maneho di Emergencia (FEMA) despues di e horcannan y temblornan ainda ta rekeri aprobacion di e agencia prome cu gobierno di Puerto

Rico por gast'e.

No ta cla pakico gobierno di e teritorio ainda no a tuma e stapnan rekeri pa haya acceso na e placa. Un vocero di Oficina pa Recuperacion, Reconstruccion y Resiliencia di Puerto Rico, cu ta ricibi y otorga fondonan federal, no a responde na un mensahe buscando comentario. Sinembargo, documentonan ta muestra cu compania di coriente di Puerto Rico, departamento di Educacion, y Autoridad di Aquaduct y Riool ta spera pa entrega aplicacionnan pa haya acceso na e placa pa 2030 of despues.

E fondonan federal ta supone di financia mas di 9,300 proyecto permanente, cu mas di \$13 biyon marca pa utilities publico y \$7 biyon pa edificio publico y ekipo. Sinembargo, aumento di costo a presenta un reto, segun e auditoria cu a tuma lugar di november 2021 te february 2024.

GAO a nota cu e costo di un planta pa trata awa a excede su calculacion original cu mas di 40%, mientras e costo pa e partinan pa un planta di cori-

ente a aumenta di \$9 miyon na \$12 miyon. E rapport a bisa cu e aumento di costo ta un "preocupacion particular" pa motibo di nan impacto cumulativo.

Contribuyendo na e retraso tabatin interrupcion den cadena di suministro global cu a aumenta e tempo di entrega pa materialnan di construccion necesario pa compania di coriente Portorriqueño di seis luna pa hasta tres aña, segun e auditoria. Mientras tanto, blackout cronico ta continua plagando e isla.

Otro reto ta e falta di trahadornan variando di arkitecto te contratista di construccion, segun e rapport.

Den un respuesta oficial na hallazgo di e auditoria, gobierno di Puerto Rico a solicita mas flexibilidad di fondo y a nota cu escasez di labor den industria local di construccion ta un "factor significativo" afectando e esfuersonan di recuperacion.

Gobierno tambe a cita "reduccionnan significante" den

cobertura di seguro pa varios proyecto, como tambe litigacion largo entre recipien-tenan di fondonan federal y nan compania priva di seguro.

Tambe a adverti cu ora horcan Fiona a dal Puerto Rico na september 2022, e tormenta a causa daño adicional cu no por a distingui for di e daño causa pa horcan Maria na september 2017, pasobra "varios subproyecto ainda no a keda formula."

Otro retonan ta inclui un crisis economico y fiscal andando, cu Puerto Rico recien saliendone di e bancarota municipal mas grandi den historia di Merca.

GAO a recomenda pa FEMA crea un plan di maneho di riesgo, cual a bisa cu e agencia tin plan pa haci e luna aki. Tambe a haya cu FEMA exitosamente a monitor Puerto Rico su uso di fondo publico via un sistema di revision, cu e isla mehorando su habilidad pa maneha fondonan asina, al menos di 2018 te 2020. Ciertu revision di añanan mas recien ta pendiente.

US Virgin Islands ta avansa cu ley permitiendone uso recreacional di marihuana

(AP) — Un ley di marihuana cu a keda pega na US Virgin Islands a haya un empuhe enorme despues cu un hunta consehero a aproba un lista di regla y regulacion proponi cu lo goberna e uso recreacional di cannabis na e teritorio.

Voto di e hunta a representa un stap clave na caminda pa implementa un ley aproba mas cu un aña pasa pa permiti e uso recreacional riba e tres isla. Un periodo di comentario publico di 30 dia riba e regulacion y regla proponi ta programa pa cuminsa pronto. "Nos ta wardando pa esaki pa hopi largo," segun Dr. Catherine Kean, presidente di e hunta, a bisa.

E hunta tambe ta finalizando un lista di hende cu ta pensa ta cualifica pa haya nan record criminal elimina di posesion simple di cannabis, segun autorisa pa ley. Ta bay comparti e lista cu legisladornan, Corte Supremo di e isla y otronan den proximo simannan, segun miembro di e hunta,

Positive Nelson a bisa.

Como 300 persona na US Virgin Islands a keda condena pa posesion simple di marihuana den ultimo 20 aña.

E hunta tambe ta completando un sistema di registracion, cu hende cu ta usa cannabis pa proposito medicinal of sacramental spera di haya acceso pa april, segun Hannah Carty, director ehecutivo di e hunta.

Cada dos aña, organizacionnan religioso y creyente ta bay tin cu paga \$200 pa registra, y dokternan lo paga \$250, segun oficialnan a bisa. Negoshinan ta bay por registra pa juni of juli, segun Carty, kende a agrega cu gobierno a caba di completa un proceso di solicitud di propuesta pa operacionnan di simia-te-benta. Sinembargo, licencia pa cultivo y manufactura probablemente no ta bay keda otorga prome cu fin di aña.

"Hopi cos no ta den nos control," Carty a nota.

Mientras cu e teritorio Mericano a aproba marihuana pa uso medico na 2019, e uso

recreacional cu a keda legalisa na januari 2023 a keda pega pa varios motibo, incluyendo lenguahe di e legislacion y cu e hunta consehero di cannabis no tabatin suficiente miembro pa un quorum.

E ley ta permiti adultonan di 21 aña bay riba pa poseer hasta 2 ons di marihuana, mita ons di concentrado di cannabis y un ons di producto manera comestible pa uso recreacional, sacramental of otro. Pashent di marihuana medico ta permiti pa tin hasta 4 ons di cannabis, 1 ons di concentrado y dos ons di producto.

Ta bay aplica un minimo di 18% di impuesto na tur benta dispensario, maske pashent di marihuana medico no mester paga. Tres cuarta parti di e entrada di impuesto aki ta spera di bay den e fondo general. Di esaki, 15% ta reserva pa programa di comportamiento saludable, 5% pa atende falta di hogar, y 5% pa programa hubenil.

Nelson a puntra si lo otorga



un carchi pa pashent di marihuana medico: "Pa e OGnan. Mi tabata pensa riba esey," el a bisa mientras e otro miembro a smile.

Carty a bisa cu pashentnan lo ricibi identificacion digital cu por tene den nan celular of por imprimi.

US Virgin Islands ta e parti mas recien den Caribe pa relaha leynan di marihuana. Antigua a descriminalisa uso di marihuana pa publico gen-

eral, y Jamaica a descriminalisa cantidadnan chikito. Mientras tanto, Bahamas a cuminsa debati varios ley pa legalisa marihuana pa uso medico y religioso y descriminalisa posesion di cantidadnan chikito.

Miembronan di e hunta consehero na US Virgin Islands a celebra e progreso. "E trein ta cla pa sali di e spoor," miembro Richard Evangelista a bisa. "Tur pasahero ta abordo."

Meghan Markle ta sigui lucha pa un podcast despues cu acuerdo cu Spotify a fracasa

(TMZ) - Menos di un año despues cu Meghan Markle y Prins Harry a descarta un acuerdo di 20 miyon dollar cu Spotify, e ta dunando su mes un otro oportunidad den mundo di podcast.

E Dukesa di Sussex a firma un acuerdo cu Lemonada Media, e compania tras di "Wiser Than Me with Julia Louis-Dreyfus" pa un serie di podcast nobo. Esaki no ta tur, mirando cu Meghan Markle su "Archetypes" tambe lo haya un cas nobo. Lemonada lo distribui su podcast bieu na tur otro rednan pa un acceso na un audiencia mas amplio ademas di su podcast/show binidero.

Meghan a elogia e partnership nobo bisando cu e ta hopi orguyoso di por sigui cu su amor pa podcast, agregando



cu "por sostene un compania funda pa un muhe cu tin un lista di podcast entretenido y cu ta genera pensamentonan ta un manera fantastico pa cuminsa cu año 2024."

El a continua bisando cu "nos plan pa bolbe lansa Archetypes ta pa mas persona por

tin acceso na esaki, ademas di lansa un podcast nobo y dinamico cu ta den produccion. Mi ta hopi emocionado pa por comparti esaki pronto y mi ta sumamente contento di por uni na e famia di Lemonada."

Di nan banda, CEO di Lemonada Jessie Cordova Kram-



er a bisa cu nan ta sinti hopi honra cu Meghan a pone su confiansa den nan pa yuda democratiza e acceso na "Archetypes." Tambe nan a menciona cu nan ta hopi sorprendi pa su spirito di colaboracion, vision cla y su deseo profundo pa crea compasion y comunidad via e trabao aki.

Den juni di ana 2023, e Duke y Dukesa di Sussex citando nan compania di produccion Archewell Studio y Spotify a bisa den un declaracion con hunto cu nan a "conhuntamente keda di acuerdo pa separa y ta orguyoso di e serienan cu nan a crea hunto."

Super Bowl tabata e programa mas mira na Merca cu un averahe di 123.7 espectador


(AP) - E wega mas largo di Super Bowl tambe lo ser marca como e programa mas mira den historia di television Mericano.

Segun Nielsen y Adobe Analytics, Kansas City su victoria di 25-22 riba diadomingo anochi a mira un averahe di 123.7 miyon espectador via plataformanan di streaming ademas di television. Esaki a kibra año pasa su record di 115.1 miyon pa Kansas City su victoria contra Philadelphia cu un aumento di 7 por ciento.

Nielsen a actualisa su cifranan diamars despues di a publica un calculacion di 123.4 miyon dialuna nochi. E wega a ser televisa pa CBS, Nickelodeon y Univision

ademas di e plataformanan digital di Paramount+ y NFL. Nielsen tambe a bisa cu un record di 202.4 miyon persona a mira por lo menos parti di e wega den tur e rednan, cual ta un aumento di 10 por ciento compara cu ana pasa. CBS a mira un averahe di 120.3 miyon. E red su record anterior pa Super Bowl mas mira tabata e wega di 2016 cu a mira 112.34 miyon espectador.

Parti di e aumento den espectador ta atribui na e cambio den e manera cu ta conta espectadornan. Nielsen a cuminsa inclui e personanan cu no ta mirando e wega na cas den su calculacionnan den año 2020 pero solamente for di 65 por ciento di e pais. E medida aki ta premira di



expande pa inclui tur 50 estado e año aki. Diadomingo su wega tambe tabata solamente e di dos di 58 Super Bowl cu a bay overtime. E anterior tabata na año 2017.

"MNi tabata manehando mi expectativanan pero tambe mi tabatin speranza cu e lo pasa," president di CBS Sports Sean McManus a bisa

di e overtime, cual a keda confirma ora cu Jake Moody su posibel punto extra a ser blokia. "Mi no por imagina un Super Bowl mas emocionante of miho cu esaki."



Sra. Maryla Solognier a cumpli 30 aña den servicio di Wit Gele Kruis.

Dia 01 februari 2024 coördinator di GVO/Mayor Firme, Sra. Maryla Solognier a cumpli 30 aña den servicio di Wit Gele Kruis

como enfermera. Sra. Maryla ta eherce e trabao di conseho y guia di mayor. Maryla a traha cu hopi amor y dedicacion pa nos funda-



Wind Creek Aruba ta uni cu Empire Carnival Group pa conmemora e 70 aniversario di Aruba su Carnaval



Wind Creek Aruba ta orguyoso di por a colabora cu Empire Carnival Group pa celebra e 70 aniversario di Aruba su Carnaval, demostrando su compromiso pa participa den nos cultura y forma asina parti den nos comunidad.

Reconociendo e importancia di e celebracion cultural aki, Wind Creek Aruba a tuma medida proactivo pa sostene su empleadonan pa participa. E compania a implementa flexibilidad pa participa den diferente parada. Como muestra di compromiso, Wind Creek Aruba a facilita 99 empleado den e parada di Fakkel, 31 den e Parada grandinan, y 68 den e Parada di Luz contribuyendo cu un parti di nan tarifa di participacion.

E compania a presenta cu orguyo un Flota di Carnaval cu e presencia dinamico di tres reina di Empire Carnival Group esta: Abigail Lejuez, Reina di Carnival di Empire; Suzette Wernet, Sra Carnaval di Empire; y Joleimar Morillo, Youth Queen di Empire. E reinanan a ilumina e flota acompaña pa "stilt walkers". Por a aprecia e reina nan riba e flota cu a domina tur 2 parada grandi, banda di esaki por a admira e "stilt walkers" repartiendo regalonan na e espectadoran band'i caminda, realisando ainda mas e atmosfera alegre durante e paradanan.

E participacion vibrante di Wind Creek Aruba a culmina cu un sorpresa di e premio prestigioso di Carosa Luhuso pa 2024, un testimonio di e dedicacion y creatividad cu a ser demostra durante e paradanan.

E posesion proactivo di e compania pa facilita participacion di su empleadonan den Aruba su Carnaval ta refleha perfectamente cu su compromiso pa cultiva un cultura di trabou positivo y sostenibel. Conmemorando un di e balornan di Wind Creek cu ta "tin diversion," Wind Creek Aruba ta firme den contribui na e esencia di e festividadnan cultural di Aruba. Asina tambe ta habri oportunidadnan pa por envolve futuro celebracionnan cu refleha balornan di comunidad, cultura, y trabou di ekipo.



cion. Semper Maryla tabata un persona cu un sonrisa riba su cara y semper e tabata cla pa juda tur su clientenan.

Den number di Directiva y Personal di Wit Gele Kruis ta felicita Maryla Solognier pa su bon trabao durante 30 aña.

Sra. Sueyenne Henry a cumpli 10 aña den servicio di Wit Gele Kruis



Dia 01 februari 2024 enfermera di Mayor Firme, sra. Sueyenne Henry a cumpli 10 aña den servicio di Wit Gele Kruis como enfermera. Sra. Sueyenne ta eherce e trabao di conseho y guia di mayor.

fundacion. Semper Sueyenne tabata un persona cu un sonrisa riba su cara y semper e tabata cla pa juda tur su clientenan.

Den number di Directiva y Personal di Wit Gele Kruis ta felisita Sueyenne Henry pa su bon trabao durante 10 aña.

Sueyenne a traha cu hopi amor y dedicacion pa nos

Career Opportunities

Caribbean Mercantile Bank N.V. a member of the Maduro & Curriel's Group of banks, in order to accommodate growth and to better service our existing customers, is taking applications for the position of:

DOCUMENTATION & SCANNING CLERK

The Documentation & Scanning Clerk is responsible for the overall coordination of activities of the Optical Document Imaging (scanning), of the filing and maintaining the completeness of the account documentation file and ensure accurate preparation and retrieval of documents in accordance with prescribed procedures and instructions while maintaining a proper administration.

The Documentation & Scanning Clerk has the ability to maintain a high level of discretion when dealing with sensitive/confidential information and ability to establish priorities, to organize, plan and execute workloads independently.

Professional requirements:

- Secondary Education
- Previous experience in a similar position requiring maintenance of proper administration is preferred.

Candidate Profile:

- Communication skills including fluency in English, Dutch & Papiamentu writing and speech.
- Expert PC skills using common software tools to access and communicate within the Bank (Word, Outlook, Excel).
- Ability to handle all matters in a confidential and professional manner.
- Punctual, self-motivated and a team player.
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by February 21, 2024.

Chauffeur un tiki riba e limite di alcohol a causa accidente



Diadomingo atardi a drenta informe di un accidente na 88 Foodmart na Macuarima, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur burachi cu a supla net un tiki riba e limite subi dilanti un

otro auto y a ocasiona un accidente pero como cu a supla net un tiki riba e limite asina mes a hib'e na warda di polis pa test.

Persona a dal cos robes yega te na Rooi Afo y tabata bula di cura pa cura



Diadomingo atardi a drenta informe di cu tin un persona bulando di cura pa cura na Rooi Afo, mesora a dirigi un patruyanan na e sitio.

Na yegada di e patruyanan a

logra captura e persona aki y a descubri cu e persona aki cu lo a bay carnaval pero a dal un cos robes ey y a yega te na Rooi Afo unda e tabata comporta su mes raro. Pa su mesun bon polis a dicidi pa hib'e su cas pa e bay descansa.

Polis a laga kita auto mal staciona cu tabata stroba e paso di ambulance



Manera mal custumber cierto chauffeurnan no ta pensa riba otronan tin varios caminda cu no mag para auto den caminda.

E chauffeur irresponsabel aki a para su auto di tal forma cu tabata stroba ambulance di pasa y ora cu polis tabata busca e chauffeur esaki ni tabata den cercania of no ta-

bata kier a hala su auto. Obligatoriamente polis a haya su mes den e situacion cu meser a touw y hala e auto for di e sitio.

Turista Latino mal burachi ta resisti aresto

Na final di nan dia na Palm Island, dos Turista mal bebi, a para bringa. Dal abou y a keda tur na sanger y riba dje boca grandi cu autoridad local.

Polisnan a purba di tin pasenshi, pero mirando cu un di nan ta asina violento hasta cu polis y resisti aresto pa drenta

den auto. A coge na man cu pia y zwaai e den auto y hib'e pasa su resto di dia den un cel. E otro homber lo a keda ta haci 'gang sign'. Na final tabata saca dede malo y perde respet pa polis. Mester compronde cu ley ta conta pa local y turista. Si no ta comporta "Faya Bo Haya" ta conta pa tur hende.



Un homber y un muhe deteni pa discusion y pelea den publico

Diadomingo anochi durante e control banda di e ex-cas di Gobernador polisnan a bin topa cu un pelea y mesora a drenta

accion.

Nan a detene un homber y un muhe pa nan mal comportacion riba caya.



Accidente di cadena cu hende herida na Morgenster

Diadomingo mainta a drenta informe di un accidente cu hende herida dilanti Feng Hing Supermarket, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di un taxi y

un otro auto. Den e accidente aki tin un adulto y un baby cu a resulta herida. Na yegada di e ambulance nan a atende e victima y a transporte pa hospital.



Polis a bay tras di chauffeur di pick-up truck coriendo malisimo

Diasabra anochi durante patruya polisnan atento a nota e chauffeur di un pick-up truck coriendo malisimo na Tanki Flip, mesora nan a bira bay su tras pa par'e.

Na altura di Ponton a logra par'e y a atende cune polis a nota di biaha cu e chauffeur ta burachi y a test e cual a resulta malo pa e chauffeur y a detene pa a core auto malo y bao influencia di alcohol.



Polis a persigui y detene chauffeur cu no a sigui instruccion pa para na rotonde



Diasabra atardi polisnan na altura di e rotonde banda di F.T.A. a nota un auto Nissan Almera blanco sospechoso y a dun'e señal pa para pero e no a haci caso y a sigui cor'e.

Ey a start un persecucion unda polis a logra par'e toch banda di J.R. Autocenter na Cura Cabay. Eynan polis a sac'e for di auto boei e y pidi pa e vehiculo di transporte bin busc'e y a confisca e vehiculo tambe.

Turistanan a drenta lama di Boca Mahos y a haya nan mes den problema y a herida nan mes

Diasabra atardi a drenta informe di cu tin algun turista cu lo a drenta bay landa den Boca Mahos y a haya nan mes den problema y mester asistencia di ambulance. Mesora a dirigi tanto polis como ambulance na e sitio.

Na yegada di e patruya a bin compronde cu a lo menos 5 persona cu a resulta herida saliendo for di e lama bruto cynan. Ambulance tambe a yega mesora y a brinda asistencia na e 5 victimanan cu a



haya varios rasca y golpi riba nan curpa den e lama bruto ey. E personal di e ambulanc-

enanan cu a atende nan a transporta nan tambe pa hospital.



Cliente a pega soño den bar y ora el a lanta el a ripara cu nan a lock e den e luga

Diasabra mainta a drenta informe di cu un persona ta cera den un bar den Klipstraat y no por sali, mesora a dirigi un patruya na e sitio.

Na yegada di e patruya a bin compronde cu e compania di seguridad a purba yama e doño pa asina bin habri e porta p'e pero no ta logra haya contacto cune. Como cu e cliente tin cu bay traha awe mainta 9or a yama bombero pa bin corta e candal pa e persona por logra sali. Na yegada di bombero nan a corta 2 candal pa asina e hoben sali.



Famia preocupa cu mama cu tin problema respiratorio, pero e mes a nenga atencion di ambulance y polis



Diasabra atardi un famia a bira preocupa ora cu e mama kende ya tin problema cu hala rosea y meser usa tanki oxigeno a bira mas malo, mesora a

dirigi tanto polis como ambulance na e sitio.

Na yegada di e ambulance nan a papia cu e victima y a conshe'e pero e no ta desea

ningun asistencia. E personal di ambulance cu sa di e situacion a pidi pa manda polis. Pero cu polis mes e ta nenga atencion y a core cu nan.

Polis a bay banda di Banco di Caribe unda un homber lo tabata maltrata un muher



Diabierna anochi a drenta informe di cu lo tin un homber cu lo ta maltratando un muher banda di Banco di Caribe, mesora a dirigi un patruya na e sitio.

Na yegada di e patruya a

bin compronde cu aki no ta trata di ningun agresion fisico pero unicamente un discusion fuerte. Polis a papia seriamente cu ambos unda a informa nan pa nan no discuti riba caya y pa nan atende nan asunto nan mas civicamente.

Polis a pone homber cu tabata piki Calco na Malmok pone esakinan back den lama

Diabierna atardi a drenta informe di cu tin un homber ta piki calco na Malmok, mesora a dirigi un patruya na e sitio.

Na yegada di e patruya a bin haya un persona den un pick-up cu tabata piki calco na canto di lama abao y tabata pone nan den un hemchi. Polis a bisa e homber cu esakinan ta prohibi pa piki como cu nan ta den extincion y a pone e homber pa hiba esakinan bek den lama.



CEO di OpenAI ta adverti cu ‘falta di aliniacion den societal’ por haci AI peligroso

(AP) - CEO di creador di ChatGPT OpenAI a bisa diamars cu e peligran cu ta mantene su persona lanta anochi tocante inteligencia artificial ta e “falta di aliniacion sutil den sociedad” cu por haci e sistema peligroso.

Sam Altman, papiando na World Governments Summit na Dubai via un videoyamadá a reitera su yamadá pa un curpa manera International Atomic Energy Agency pa ser crea pa asina por monitor AI cu ta posiblemente avansando mas lihe di loke mundo ta premira. “Tin algun cosnan ey cu ta facil pa imagina unda cosnan por bay

fout. Y mi no ta interesa den e preocupacion di tin robotnan asesino ta cana riba caya. Mi ta hopi mas interesa den e falta di aliniacion hopi sutil den e sociedad unda nos tin e sistemanan aki den sociedad y sin e intencion particular, cosnan por bay sumamente fout.”

Sinembargo, Altman a enfatisa cu e industria di AI, manera OpenAI no mester ta e chauffeur pa loke ta trata crea regulacionnan pa goberna e industria. “Te ainda nos ta den e etapa di hopi dialogo, Tur hende na mundo ta organisando un conferencia. Tur hende tin un idea, un papel y esey ta OK. Mi

ta kere cu te ainda nos ta na un momento unda debate ta necesario y saludabel, pero lo yega un punto den e proximo 5 año unda nos lo mester cuminsa move den direccion di plan di accion rond di mundo.”

OpenAI, un agencia di inteligencia artificial basa na San Francisco, ta un di e lidernan den e area aki. Microsoft a inverti bionos den OpenAI. The Associated Press a firma un trato cu OpenAI pa esaki por tin acceso na su articulo di noticia. Mientrastanto, The New York Times a demanda OpenAI y Microsoft a causa di e uso di su storianan sin permiso pa train e



Investigacion riba sobrevivencia di Calco na Corsou ta presenta resultadonan optimista



Di april te cu december 2023 a pone den lama shen calco hoben cu a ser cria cu e meta pa reforsa e poblacion natural di calco. Den e proyecto piloto ‘Conquer the Future’, biologo marino Michiel van Nierop ta mira back na resultadonan prometedor di e proyecto aki na Corsou. Pronto lo sigui cu e proyecto aki na Boneiro.

E kwekerij The Queen Conch Hatchery na Curaçao Sea Aquarium a entrega e

calconan hoben cu a ser cria pa e investigacion. Despues, a pone cantidadnan chikito di calco cu transmisornan den veldnan di yerba di lama na Spaanse Water. E calconan cu a ser poni den lama a ser monitoria via e transmisornan pa analisa nan comportacion den naturalesa y kico ta nan chens di sobrevivencia.

“A haci experimentonan riba diferente veld di yerba di lama y calconan y a pone calco di 1 of 2 año den e veldnan. E chens pa sobrevivi ta mas grandi pa e calconan di 2 año

pasobra dor di nan cocolishi mas diki, nan no ta mesun vulnerabel pa atacadonan manera cangreu. Ademas mester evita e ultimo 3 lunanan di año pa motibo di e mal condicionnan di tempo. Mi ta hopi curioso pa sa kico e investigacion lo muestra ora nos bay pone e calconan cu nos a cria, den ocean na Boneiro. En todo caso ta hopi cla cu mester di mas investigacion prome cu nos por sigui cu proyectonan di restauracion na gran escala,” asina Michiel van Nierop ta splica.



Piscamento y comemento di calco ta hopi integra den e cultura Caribense y e discusion tocante esaki por ta sensitivo. P’e motibo ey, comunicacion entre piscadonan y e proyecto ta keda importante. Pa stimula e cooperacion, a firma un acuerdo entre cooperativanan di pesca na Corsou y Boneiro, Federashon Kooperativanan Uní di Produkshon (FKUP) y PISKABON, STINAPA y Wereld Natuur Fonds (WWF-NL). STINAPA ta responsabel pa supervision di e proyecto.

‘Conquer the Future’ ta ricibi sosten financiero di WWF-NL y Seacology.

WWF-NL su programa di Caribe Hulandes ta boga pa fortalece sistemanan di costa y haci nan resiliente contra menasanan manera cambio di clima. Trahamento hunto cu comunidnan pa conserva nan cultura y mehora nan bida ta e punto di salida di proyectonan di Seacology.



All-Star Pitcher retira Adam Wainwright ta uni MLB Network como analista en bibo

(AP)—Ex-pitcher pa e St. Louis Cardinals, Adam Wainwright, a uni cu e MLB Network como un analista en bibo. Wainwright lo haci su debut riba dia di apertura, dia 18 di maart, e network a bisa ayera. E lo traha riba

e wega di Cardinal contra San Francisco na Rickwood Field na Birmingham, Alabama, Merca, dia 20 di juni.

Wainwright a logra 200-128 cu un ERA di 3.53 den 18 temporada di major league,

tur cu Cardinals. E pitcher di 42 aña a haya su di 200 gana den su ultimo aparencia contra Milwaukee dia 18 di september. Otro analista di MLB ta inclui Yonder Alonso, Alex Avila, Jake Peavy, Albert Pujols y Chris Young.



Mikel Schreuders ta cualifica pa final den World Aquatics Swimming Championship na Doha, Qatar

Landado elite, Mikel Schreuders lo ta den e gran final di e 50m pecho den e World Aquatics Swimming Championship na Doha, Qatar.

Un hecho historico mirando cu nunca antes un landado di Aruba no a yega e final di un mundial di landamento. Mikel ta logra un tempo di 27.05 cual ta un di 8 lugar

overall. E prome 8 landadonan lo landa pa medaya. E final di e 50m pecho lo ta awe diaranson pa 1:01 di merdia ora di Aruba.

Municipio y alcalde di Paris tumando accion legal despues cu fanaticonan di PSG ta atak'e cu insulto sexista

(AP)—E municipio di Paris a bisa ayera cu e ta tumando accion legal despues cu seccionnan di fanaticonan di Paris Saint-Germain a tira insulto sexista y cantonan homofobico riba alcalde Anne Hidalgo durante un wega di liga Frances, entre un pelea amargo tocante e futuro incierto di e club na su stadion.



Hidalgo, ken ta contra un benta di e stadion pa e club di futbol, lo ademas entrega un keho den su mesun number pa insultonan publico. E asunto lo ser referi tambe na e comite disciplinario di e liga, segun e municipio di Paris a

bisa. Supuestamente fanaticonan a demonstra un cantidad di banner contra Hidalgo durante e wega victorioso di PSG contra Lille na Parc des Princes. "Sin PSG, e Parc no

tin prinses mas," un banner a mustra. "Hidalgo ta matando Paris y su magia," tabata un otro slogan, mientras cu por a tende tambe cantonan di "Hidalgo retira!"

Presidente di PSG Nasser al-Khelaifi a confirma plannan siman pasa pa e club bandona su stadion despues cu oficialmente na Paris a dicidi cu e arena no tabata na benta. Forma na 1970, PSG a cuminsa hunga na Parc des Princes dos aña despues y ta beneficia for di un contracto di huur di plaso largo.

E club tabata kier a keda y cumpra e stadion pero, despues di ocho aña di discusion, lo mester mira un otro caminda despues cu e conseho di ciudad na Paris a vota pa confirma cu Parc des Princes no lo ser bendi. Den januari, PSG a bisa cu el a inverti mas cu 85 miyon euro den costo

di mantencion di e stadion. E tempo ey, PSG a bisa cu e tabata dispuesto pa inverti 500 miyon euro mas den renobacion pa asina competi cu otro club na e nivel mas halto den Europa.

Pa loke ta trata e cantonan homofobico, cual frecuentemente ta sosode durante weganen di liga Frances y ta ser tolera pa hopi tempo, e municipio a bisa cu e "ta keda mobilisa contra tur forma di discriminacion." Prome cu e wega contra Lille, supuestamente ambos set di fanatico a canta canticanan anti-gay, cual a resulta cu e anunciado den e stadion mester a pidi nan pa stop.

Sainz ta bisa e tin "suficiente opcion" ora e retira for di Ferrari na 2025

(AP)—Carlos Sainz Jr. ta kere cu e tin "suficiente opcion" den Formula 1 otro aña ora e retira for di Ferrari pa traha espacio pa Lewis Hamilton, segun e Spaño a bisa ayera.

Hamilton ta uniendo cu Ferrari for di Mercedes otro aña den un decision cu a sacudi F1. E shete-biaha campeon lo ta partner di Charles Leclerc.

"Tin suficiente opcion eyfo" pa 2025, Sainz a bisa mientras Ferrari a lansa su auto di 2024 diamars, agregando cu

e tabatin aviso di antemano cu Hamilton tabata tumando su asiento di Ferrari pero e tabata sorprendi toch. Sainz a bisa cu e ta plania di tuma su tempo prome cu e firma cu un otro ekipo.


"Mi ta kere e ta bay ta probablemente un proceso mas largo. Mi tin dilanti mi e tres of cuatro aña mas importante di mi carera, bo sa, unda mi kier sigura cu mi ta den e luga corecto den e momento corecto," Sainz a bisa. "Mi kier sigura cu mi lo scoge e proximo destinacion corecto pa mi. Pues mi ta

bay tuma mi tempo pa pensa riba dje, pa evalua tur e opcionnan. E ora mi por djis sinti sigur cu, ora mi tuma e decision, mi a duna mi mes suficiente tempo y suficiente informacion."

Sainz ta drentando su di cuatro y ultimo temporada cu Ferrari, unda el a tuma su prome victoria F1 na Britania na 2022 y tabata e unico chauffeur no-Red Bull pa gana e careda e temporada pasa cu un victoria na Singapore.



Cambio den prijs di productonan petrolero 14 februari 2024



Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 14 februari 2024:

Gasoline unleaded-premium : 245,4 cen p/ltr. (+ 12,4 cen)
 Diesel LS : 227,8 cen p/ltr. (+ 14,2 cen)
 Kerosin : 210,1 cen p/ltr. (+ 11,6 cen)

E prijsnan ta inclui BBO/BAZV/BAVP

Estudio Basico pa bira Agente di Wardacosta ta habri pa inscripcion



Hoben, bo kier bira Agente di Wardacosta pa proteha bo pais? Bo kier yuda salba bida di hende y yuda intercepta botonan cu ta trece mercancia ilegal Aruba? Wardacosta ta informa hobennan entre 18 y 25 aña, cu tin e ambicion pa bira Agente di Wardacosta, pa inscribi nan mes pa e Estudio Basico pa bira Agente di Wardacosta (Basis Opleiding Kustwacht, BOK).

aspirantnan ta ricibi habilitadnan basico, di entre otro EHBO ('first aid') y training cu arma. Tambe educacion noutico y vaknan di training basico di ekiponan di rescate, paga candela, legislacion di Wardacosta y manual di radio VHF, cualnan ta forma parti di e pakete di e estudio BOK. E condicionnan pa inscribi ta cu bo tin nacionalidad Hulandes, y cu bo ta inscribi na Aruba, Corsou, Sint Maarten of islanan BES y cu bo tin entre 18 y 25 aña di edad, na inicio di e curso. Tambe bo mester tin minimal un di e siguiente diplomanan: MAVO-4/ VMBO/VSBO-TKL/ L.T.S/ T-stroom/ EPB-door -stroom/ EPI of un diploma ekivalente na educacion secundario, cu bo tin un diploma di landamento, cu bo por lesa y skirbi Hulandes, tin un bon condicion fisico, cu bo no ta bisti bril of lens y cu bo no tin un 'strafblad'.

E estudio basico ta un programa di estudio cu un duracion di 1 aña cu vaknan practico y teoretico, incluso un training pa bira Agente Policial Extraordinario (Butengewone Agent van de Politie, BAVPOL). Tanto hobennan masculino como femenino por inscribi pa e estudio di BOK.

E estudio ta start den augustus 2024 cu un periodo di introduccion, asina yama 'SamenSterk'. E meta di e periodo 'SamenSterk' ta cu e aspirant durante e periodo aki, lo crece tanto fisicamente como mentalmente y ta cera conoci cu e organizacion di Wardacosta. Durante e estudio e

Si bo ta interesa den e estudio, bo por bishita e website di Wardacosta via werkenbij.kustwacht.org Aki bo por sigui e link pa yega na e formulario di inscripcion. Inscripcion ta cera 1 di mei 2024.

Resultado Sorteo FEBRUARI 13

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
6085	3060	9554	5087
2528	5535	SUPER5	0658
1949	7408	29594	7967

MERDIA

Sorteo # 4180	Sorteo # 8169
3680	1594
6078	9774
2045	9798
X2	X3
Sorteo # 4180	Sorteo # 7213
5507	8717
FP	fp
Sorteo # 2236	Sorteo # 1918
3405	9816
Sorteo # 4180	Sorteo # 5972
4370	0679
Sagitario	Scorpio
Sorteo # 1054	Sorteo # 902
233	681
X2	x2

ANOCHI

	Joker	Letter
Sorteo #	Proximo Jackpot	
0 x Jackpot	400.000,-	
0 x Match 4+		
0 x Match 4		
0 x Afl. 12,00		
	02-03-11-15-26	
Sorteo # 6386	Proximo Jackpot	
0 x Jackpot	62.000,-	
5 x Match 4		
170 x Afl. 8,00		
	03-15-18-25	
Sorteo # 1636	Mega Ball	04
0 x Jackpot	Proximo Jackpot	
0 x match 4	500.000,-	
1 x Afl. 500,00		
49 x Afl. 50,00		
73 x Afl. 15,00		
	Afl. 700.000,-	
Sorteo #		



Cas Di Cultura
Vondellaan 2 Aruba
297-582-1010
F A D A
Campanastraat 5 Aruba
297-583-2999
297-583-9610
F A V I
Primavera 233 Aruba
297-582-5051
297-582-5222

F E P O
Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
297-588-1179

**Fundacion Pa Nos
Muchanan**
Cumana 2 Aruba
297-583-4247

**Fundacion Tel Pa
Hubentud**
Wilhelminastraat 19
Aruba
297-588-6138
**Koningin Wilhelmina
Fonds**
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba
Pedro Gallegostraat 14
Tel: 297-582-2219
Fax 588-3376

Famia Planea (SBVO)
Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**
George Madurostraat 34
297-582-0088

Y M C A
Calbasstraat 1 Aruba
297-582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Sta. Cruz Centro Medico
Tel. 585 8028 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

**Prome Pop Up Market di Santa Rosa ta dia
2 di Maart**



Despues cu aña pasa Departamento di Agricultura, Cria y Pesca Santa Rosa a bin na e idea pa cuminsa cu algo chikito pa nos productornan local cu a resulta den un Pop-Up Market exitoso. Awor nos ta cla pa continua cu esaki den luna di maart venidero.

Hopi ta esnan cu a haya e idea aki uno interesante y sigur a wordo sosteni pa nos bishitantenan mirando e acogida cu esaki a haya durante 2023. Hopi ta esnan cu a encanta e idea pa motibo cu e ta den un escala mas chikito y ta duna e oportunidad na e clientela pa mira y probecha di un of otro producto fresco mas facil. Sin mucho molestia por yega cumpra y sigui cu otro compromisonan. Ta simplemente un cantidad di 15 productor local cu tin un of otro producto fresco na e momento ey por yega na remarca den nos Pop-Up Market. Claro nos kier tene den un escala mas chikito pa asina facilita tur nos bishitantenan y sigur tambe e productor por sali mas facil for di nan producto fresco cu nan tin na e momento ey pa ofrece.

Faltando apenas un luna pa nos Pop-Up Market cu lo ta planea pa tuma lugar riba diasabra dia 2 di maart venidero.

Nos ta haci e siguiente apelacion dado caso cu bo tin producto fresco pa e fecha

TA BUSCA
D.A.C. (Design Architect
Construction)
ta busca
"Tegelzetter"
Por yama
Tel. 593 9877


menciona por tuma contacto cu nos departamento na 585-8102 pa asina reserva bo lugar y pa nos por ta na altura kico ta e producto cu bo ta bay ofrece pa e Pop-Up Market. Nos ta desea pa por tin un variedad di producto produci localmente pa ofrece nos bishitantenan riba e dia aki. Orario lo ta for di 8or di te cu 11or di mainta caminda Aruba completo por bishita y haci nan compras riba e diasabra aki.

Nos ta invita e pueblo di Aruba pa marca e fecha aki cu ta diasabra 2 di maart pa bishita nos Pop-Up Market y disfruta haciendo bo compras di e productonan fresco cu lo bay tin pa ofrece aki mes na Santa Rosa.

Nos Pop-Up Market lo ta facil, conveniente y rapido. Bishita nos prome Pop Up Market pa e aña aki y comprueba pa bo mes.

Pronostico di tempo

Tempo:
Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un posibel awasero pasahero



Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
UV index: 8

Bahada di solo : 6:45 pm
Subida di solo : 7:02 am.

Biento:
Modera te basta fuerte for di direccion oost;
Forsa 4 te 5 (20 te 39 km/ora, 11 te 21 nudo).
Durante di dia fuerte te duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
Extension di un area di presion halto riba Atlantico ta e factor dominante di weer

den region. Esaki lo sostiene un biento modera te fuerte y duro den rafaga. Ademas e masa di aire den atmosfera ta seco y stabiel. Pa e motibo aki clima lo keda por lo general seco. Mas aleu por bisa cu e stof fini di Sahara lo stroba e visibilidad y lo afecta e calidad di aire. Personanan cu alergia respiratorio mester tene esaki na cuenta.

Condicionnan maritimo/ estado di lama:
Na partinan proteje di costa: ketu, rond di 1 pia.
Na partinan zuid: tranquil te modera, entre 2 pa 3 pia.
Na partinan oost te noordwest di costa: modera te localmente poco bruto cu olanan di 4 pa 6, localmente 7 pia

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señora ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil. Pa mi bolbe haya
forsa.
Salmo: 23

Cu inmenso dolor na nos curason pero conforme
cu Dios su boluntad nos ta participa fayecimento
cristianamente di nos Mama, Wela, Bisawela,
Ruman



Catalina Geerman
mihor conoci como "Katrien"
*18 mei 1938 - †10 feb 2024

Na number di su yuinan:
Judith van Dinter y yuinan
Richard van Dinter
Stella van Dinter y yuinan
Jacqueline van Dinter y yuinan
Robert van Dinter y yuinan
Anthony y Mari Geerman y yuinan
Gilbert Gregory y Soraima Geerman-Geerman

Nieto (a) nan:
Minelly, Celeste, Anwar, Brandon, William,
Isabel, Nicole, Roxanne, Mourit, Vincent,
Lorena, Thalia.

Bisanieto (a) nan:
Daley, Daylen, Kenia, Malaky, Kyanlah, Akilah,
I-Jaheem, Sophie-Marie, Eva-Marie.

Rumannan:
†Francisca y †Jose Semeleer-Geerman y familia
†Rosalinda Geerman y familia
†Alexander y Vera Geerman-Jansen y familia
Elizabeth Geerman
Pedro y Dolores Geerman-Maduro y familia
Matilda Geerman
Clara Geerman y familia
Facundo Geerman y Barbara Everon y yui
†Benito Geerman

Demas Famia: Geerman, van Dinter, Navas,
Kelly, Cruz, Quiroga, Rodriquez, Chacon,
Balzouman, Ippel, Solognier, Dos Santos,
Semeleer, Jansen, Maduro, Falconi, Boekhoudt,
Giel, Dirksz, Wong, Van der Hoeven, Everon,
Croes, Bitik, Deerenberg, Broks, Fernandes
Pedra, Fortin, Vrolijk.

Un danki special na Stichting Cas di machi, sra
Leidy y sra Cristina.

Ta invita pa e acto di entiero cu lo tuma lugar
diabierna 16 di februari 2024 na misa Inmaculada
Concepcion di 09:00 pa 11:00 am, despues lo
sali pa Santana catolico na Sta Cruz

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Laga tur locual, cu ta sperami ta bunita.
Laga tur locual, cu mi encontra na caminda ta
bunita,
Laga tur locual, cu ta rondonami ta bunita.
Laga tur locual mi laga atrás keda bunita.
Y laga esakinan termina den tur buniteza."

Cu inmenso tristeza den nos kurazon, pero
conforme ku Dios su bolundad nos ta anuncia
fayecimento di nos defunto stima:



Edwin Herman Adonis
Mihor conoci como "Eddie"
*9 Sept 1936 - † 11 Feb 2024

Na number di su:

Esposa: Ann Bommel Adonis
Yiu: Valerie Adonis & Frederick Franken
Nieto(a)nan: Isabella Quijada
Christopher Franken
Leah Franken
Rumannan: † Esmeralda Gietel Agatha
† Frida Agatha
† Frans Adonis y Modesta Adonis Hernandez
y Famia
† Marietje (Marlen) Adonis
† Elvio (Papi) Adonis

Subrino(a)nan: Elaine Gietel y Gerard Beugelsdijk,
Maritza Silieć, Rugia Silieć y Famia, Astrid Gietel, Eddie
y Mariela Gietel Koolman y Famia, Iris Gietel y Famia,
Ingrid y Frank Does Gietel, Gina Adonis y Famia, Debby
y Karel Arends Gietel y Famia, Edmond Adonis, Lisette
y Ernst Mohamed Adonis y Famia, Alvin Agatha y Famia
Zelda Steenen y Godfried Lampe, Aldrin Agatha.

Cuña: Modesta Adonis Hernandez

Iha: Gina Adonis

Amigo(a)nan: Integrantenan/Amigonan di SV Dakota y SV
Roma, Amigonan di Town Dragon, Ex Coleganan di N.V.
Elmar, Amigonan di Ling & Sons, Amigonan di Superfood,
Amigonan di Save a lot.

Demas Famia: Adonis, Bommel, Agatha, Silieć, Werleman,
Gietel, Arends, Hernandez, Holsman, Beugelsdijk,
Mohamed, Dirksz, Irausquin, Does, Koolman, Dooper,
Steenen, Bikker, Richardson, Cardoze, Cardoso, Da
Costa -Gomez, Boye, Raven, Bakmeyer, Hart, Sint Jago,
Vingal, Pablo, Lacle, Monte, Wever, Franken, Leo, Ibarra,
Martinus, Webb, Willems, Helder, Quijada.

Nos disculpa si den nos tristeza nos por a lubida number di
algun famia of conoci.

Ta invita pa asisti na acto di condolencia cu lo tuma lugar
Diabierna 16 Februari 2024 di 7pm pa 9pm na Royal
Funeral Home.

Acto di entiero lo tuma lugar Diasabra 17 Februari 2024
di saliendo for di Royal Funeral Home na Cumana pa
Santana Catolico na Playa. Nos defunto stima "Eddie" lo
ta reposa for di 9 or di mainta pa 11 or di mainta na Royal
Funeral Home na Cumana sigui pa un response.

Nos ta lamenta cu despues di entiero nos no por ricibi
bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atrás keda bunita y
Laga esakinan termina den tur buniteza.
Autor: Cado Wever.

Nos ta anuncia fayecimento di:



George Ismael Hoek
Mihor conosi como Chef Hoek of
DjoDjo
*13-09-1948 - † 06-02-2024

Na number di su:

Señora: Beatrix Maduro

Yuinan: Anneties y famia
Michel y Silvia
Michelline y yiu

Mama: † Clarita Hoek

Tata: † Laureano Donata

Rumannan: † Edna Koolman y yuinan
Richard Hoek y famia
Olindo Koolman y famia
Narcisio Erasmus
Juan Erasmus
† Efraim Erasmus
Alberto Erasmus
Alegio Donata y famia
Laureano Donata y famia
† Ingrid Donata y yuinan
Evelyne Donata y yuinan
Astrid Ras – Donata y yuinan
Judith Thiel – Donata y famia
† Raymond Donata
Roland Donata y yiu

Demas famia y conocir y bisinja nan y coleganan
di Sheraton, Manchebo, Hyatt, Holliday inn, Zee-
Rovers y Aruba Golf Club y Trinity Healthcare
Services ta keda invita pa acto di condolencia cu
lo tuma lugar na Aurora Funeral Home dia 13 feb
desde 7pm pa 9pm.

Acto di Entiero cu lo tuma lugar na Aurora Funeral
Home dia 14 di feb desde 9am pa 11am. Acto di
cremashon lo tuma lugar den ceno familiar

Nos ta pidi dispensa si nos por a lubida un famia
den nos tristesa

Nos ta lamenta cu despues di cremashon no ta tuma
bishita

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ik hoorde een luide stem vanaf de troon zeggen:
"Gods woonplaats is nu bij de mensen, Hij zal bij hen wonen. Zij zullen zijn volk zijn en Hij zal Zelf bij hen zijn. 4 Hij zal alle tranen van hun ogen afwissen. Er zal geen dood meer zijn, geen verdriet, geen rouw of pijn, want die dingen horen bij de oude wereld die voorbij is. Openbaring 21: 3-4

Nos ta anuncia fayecimento di



Maria M. C. Faria
Cariñosamente yama: "Maike"
*18-12-1937 † 07-02-2024

Na number di su:
Yuinan: Fhilia Faria-Caines y su esposo James Caines
Glen Hellings
Rudie Faria y su pareha Brisly Flanegin

Rumanann: †James Dieventhaal y su esposa Fiene van Els-Dieventhaal
Ronald Faria y su pareha Lucia Oosterwolde

Nieta nan: Charlene Caines-Ramirez y su esposo Jhon Ramirez Rodriguez
Brishna Cathalina

Nieto nan: Rushen Faria
Brishawnly Cathalina

Bisanieto nan: Christopher Caines
Jhon Ramirez Caines

Sobrina/o nan: Cijnthia Faria y famia
Edmond Faria y famia
Shirley Hoogvliets y famia
Kenneth Hoogvliets y Evelyn Guzman-Hoogvliets

Amiga/o nan stima manera famia di Maike: Orsine Maclean, Marlene Plettenberg-Bosnie, Laura Arnell, Ria Sital, Shirland Daly, Carmen Stede, Joan Arrendell Williams

Y demas famia, y conoer y amigonan: Faria, Dieventhaal, Monkou, Hellings, Hoogvliets, Dunker, Soekra, Benjamin, Bosnie, Caines, Ramirez Rodriguez, Flanegin, Carrasquero

Un danki especial na tur e zusters y broeders nan na e cas di cuida Cas Cristelle.

Acto di entiero lo tuma lugar na Auroa Funeral Home dia 14 di Februari 2024 desde 7:00 pm pa 9:00 pm. Acto di cremashon lo tuma lugar den seno familiar.

Nos ta pidi dispensa si nos por a lubida un famia o serkeri den nos tristesa.

Nos ta lamenta cu despues di cremashon nos no ta tuma bishita na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

For to me to live is Christ, and to die is gain.
philippians 1:21

with deep symphaty we announce the passing away of:



Nadine young
Better known as: "Winsom"
*06-02-1970 † 07-02-2024

Left to mourn her loss:

Children:
Shawna Perkins
Hushane Perkins
Alex Mc Courtar

Grand Kids:
Jamielia Stephenson
Victoria Perkins
Tyronn Perkins
Samarah Perkins

In Laws:
Manuela Perkins
Nernyl Dorleans

Sister and brothers:
Norma Young
Bobette Young
Cristopher young
Dwight young
Egbert young

Nieces and Nephews
Marriott colleagues and family from corporate Impact


Opportunity for condolences will be held on Tuesday February 13, 2024, from 7:00 pm to 9:00 pm at Royal Funeral Home.

Her funeral service will be held on Wednesday February 14, 2024, from 2 pm to 4 pm at Royal Funeral Home and after there to the burial ground at Sabana Basora.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33



Rocio Velasquez Galeano
*20-Feb-1969 - † 10-Feb-2024

Casa: Eduardo Sanchez Joven

Yuinan: Alexander Botero, Anderson Botero, Edward Andres Sanchez

Nietonan: Juan Felipe Botero, Emmanuel Botero

Ruman: †Amparo Velasquez, †Diana Velasquez, Lesly Velasquez, Esperansa Velasquez, Danober Velasquez, Ielder Velasquez y famianan

Demas Famia: Julio Gurrieri, Yria Rodrigues, Laura Gurrieri, Stephany Werleman hunto cu Famia Werleman, Rayford Paesch

Ta invita pa acto di despedida cual lo tuma lugar na Misa Papa Juan Pablo II na Tanki Leendert diabierna 16 di februari 2024 di 2'or pa 4'or di atardi. Cremacion lo tuma lugar despues den seno familiar.

Condolencia lo tuma lugar na Royal Funeral Home diahuebs 15 di februari 2024 di 7'or pa 9'or di anochi.

Oficial top di seguridad na Alemania kier manera mas facil pa monitor financiamiento di derecha extremo



(AP) - Alemania su oficial di siguridad top a bisa diamars cu e tin e meta di haci mas facil pa monitor extremistanan derechista su financiamiento y tin plan di crea un "unidad di reconocimiento tempran" pa por detecta campananan di mal informacion y ultra-derechista lo mas trempan posibel.

Minister di Interior Nancy Faeser su proposicionnan ta bini despues di manifestacionnan grandi contra e ultra-derechistanan na Alemania den simannan recien.

Nan ta refleha un preocupacion cu ta creciendo despues di un reportahe cu a informa cu e extremistanan a reuni pa trata deporta miyones di inmigrante, incluyendo algun cu ya caba tin ciudadanía Aleman, y cu algun miembro di e partido ultra-derecha Alternative for Germany, ken su sosten a bira dobel desde e eleccion di aña 2021 tabata presente.

Alemania su agencia di inteligencia domestico ta bisa cu e cantidad di extremistanan ultra-derecha ta den aumento. Den aña 2022, esaki a

yega 38,800 cu 14,000 di nan considera potencialmente violento. E agencia su hefe, Thomas Haldenwang a bisa cu e cantidad ta anticipa di a crece un biaha mas aña pasa.

Faeser a bisa esfuersonan pa combati financiamiento di extremistanan a ser stroba pa motibo cu e investigacionnan financiero ta limita na "movecionnan di incita vi-

olencia of movecionnan orienta pa violencia." El a sugeri cu e ley mester ser cambia pa haci un grupo su "potencial di menasa" base suficiente pa e investigacionnan aki y cu e proceso mester ta hopi mas lihe y menos burocratico. "Niun hende cu haci un donacion na un organizacion extremista mester por confia cu no lo descubri esaki," el a comenta.

Faeser a agrega cu e ta trahando cu autoridadhan regional riba preveni cu e extremistanan ultra-derechista lo drenta of sali for di e pais. "Extremistanan ultra-derechista Aleman y autocraatnan di exterior tin un cos en comun; Nan kier plama rabia y division via mal informacion," Faeser a declara.



Homber Canades ta enfrenta acusacion di 5 asesinato



(AP) - Un homber Canades a ser acusa di 5 asesinato di prome grado den e fayecimento di su casa, 3 yiunan y un familiar di 17 aña segun autoridadhan a reporta dialuna.

Royal Canadian Mounted Police Insp. Tim Arseneault a bisa cu Ryan Howard Manoakesich di 29 aña a ser acusa y ta bisa cu e fayecidonan ta e sospechoso su casa di 30 aña, e pareha su yiunan di 6 aña, 4 aña y 2 luna ademas di e casa su sobrina di 17

aña. E 5 victimanan a fayece diadomingo na varios escena di crimen na y alrededor di e bario di Carman. Polis a responde na un Hit & Run y a haya e muhe morto riba diadomingo mainta.

Mas di 2 ora despues, oficialnan a responde na un reportahe di un vehiculo na candela y a haya e muchanan pafo di esaki. E muchanan a ser declara morto na e escena y polis a detene e sospechoso mientras cu e curpa di e hoben a ser haya mas despues na un cas den Carman. Segun



polis, e autopsianan te ainda ta bao proceso y a nenga di duna mas detaye mientras e investigacion ta sigui cana.

Na Carman, tape di polis a blokia e entrada di e famia su cas chikito cu miembronan di ekipo forense por a ser

mira ta drenta y sali for di e cas. E muchanan su coy hunganan y bais tabata tira dilanti e cas. "Esaki ta un momento scur na Manitoba," Premier di Manitoba Wab Kinew a expresa durante un conferencia di prensa. Alcalde di Carman Brent Owen a

bisa cu henter e comunidad a ser afecta pa e tragedia. E no a personalmente conoce esunnan cu a fayece, a pesar di ta familiar cu mas o menos 80 por ciento di e residentenan. "E ta un horror absoluto," el a comenta.

Russia ta pone Prome Minister di Estonia riba lista di criminal busca a causa di kita monumentonan di era Sovietico

(AP) - Estonia su Prome Minister a ser poni riba lista di criminalnan busca a causa di su esfuersonan pa kita monumentonan di era Sovietico den Guera Mundial II den e nacion Baltico, oficialnan a bisa diamars mientras tensionnan entre Rusia y West ta aumenta a causa di e guerra na Ucrania.

E Number di Prome Minister Kaja Kallas a aparece riba e lista di Rusia su Ministerio di Interior di personanan cu ta busca pa crimennan cu no ta specifica. Mientras medio di noticia independiente Ruso



Mediazona a reporta prome diamars cu Kallas tabata riba e lista, tambe el a bisa cu e tin varios luna riba dje. E lista aki ta inclui oficialnan y legisladornan di otro nacionnan

Baltico. Oficialnan Ruso a bisa cu Kallas a ser poni riba e lista a causa di su esfuersonan pa kita monumentonan di e di dos Guera Mundial. Kallas a ignora esaki como Moscu su "tactica familiar di spanta hende."

"Rusia por kere cu duna ordennan di aresto ficticio contra e Minister lo silencia Estonia," el a expresa. "Mi ta nenga ser silencia, mi lo sigui sostene Ucrania y boga pa fortalece nos defensanan Europeo." Estonia y otro miembronan di NATO Latvia y Lithuania ambos a kita

monumentonan cu ta ser mira ampliamente como un legado cu no kier di e ocupacion Sovietico di e paisnan aki. Desde Rusia su invasion di escala grandi di Ucrania casi 2 aña atras, varios monumento pa soldatnan di Red Army tambe a ser kita na Poland y Czech Republic, un purgatorio di loke varios ta mira como recuerdo di e opresion den pasado.

Moscu a denuncia e movidanan aki como falta respet na e memoria di soldatnan Sovietico cu a cay mientras nan tabata lucha contra Alemania Nazi.

Segun rapport nobo mundo ta enfrentando un 'decada peligroso' mientras inestabilidad y gastomilitar ta aumenta

(AP) - Mundo a drenta un era di inestabilidad cu ta keda aumenta, mirando cu varios pais rond di mundo ta aumentando gastonan militar como respuesta na Ucrania su invasion di Ucrania, e atake di Hamas contra Israel y China su accionnan den South China Sea.

Esaki ta e conclusion di un reportahe nobo publica diamars pa International Institute for Strategic Studies, cual tambe a enfatisa e tensionnan cu ta keda aumenta den Arctico, Nort Korea su persecucion di armanan nuclear y e aumento di regimen militar den e region Sahel di Africa como un contribucion na e "ambiente

di deterioro di seguridad." E 'think tank' basa na London a compila calculacionnan anual di e situacion militar global pa e ultimo 65 aña.

"E situacion di seguridad militar actual ta imita loke ta posibel di ta un decada mas peligroso, caracteriza pa e aplicacion fuerte di algun



poder militar pa persigui acusacionnan, ademas di e deseo di e democracianan di pensamiento igual pa un defensa bilateral y multilateral den respuesta," e reportahe a detaya.

Gastonan di defensa global a aumenta cu 9 por ciento te na 2.2 triyon aña pasa despues di Rusia su invasion di escala completo na Ucrania, awo drentando su tercer aña, cu a aumenta preocupacionnan cu Rusia y otro estadonan poderoso lo purba impone nan deseonan riba nan bisñanan. E aumento tabata aun mas den NATO, cual a sostene Ucrania. E aliansa su miembronan cu no ta Mericano a aumenta gastonan militar cu 32 por ciento desde cu Rusia a invadi Ucrania su peninsula Crimea den aña 2014, segun e instituto. 10

miembro Europeo a yega e aliansa su meta di gasta 2 por ciento di e output economico den defensa aña pasa, cual ta un aumento di 2 compara cu 2014.

Gastonan di defensa Europeo a ricibi atencion renoba den dianan recién despues cu ex president Donald Trump a bisa durante campana cu ora cu e tabata president cu el a bisa un estado di NATO cu e lo encurasha Rusia ataca e miembronan di e aliansa cu no cumpli cu e compromisonan pa loke ta trata fondonan. "Bo no a paga? Bo ta un delincuente?" Trump a cita su mes, agregando "No mi no lo proteha bo. De hecho, lo mi encurasha nan pa haci kico cu nan kier. Bo tin cu paga. Bo tin cu paga bo reciponon."

Aruba Bank ta hiba ganador di su campaña di Mastercard "Your card, Your Pathway" Paris

Oranjestad, Aruba - Aruba Bank ta feliz di anuncia e ganador di su campaña di Mastercard "Your card, Your Pathway". Despues di un periodo di campaña emocionante, Sr. Andric Kock a bira e ganador di e gran premio—un biahe di luho pa dos persona pa e ciudad di Paris.

E participacion di Sr. Andric Kock den e campaña "Your card, Your Pathway" a brinda e y un acompañante un experiencia inolvidabel pa Paris. E premio ta inclui un biahe ida y vuelta pa Paris, un trip cu helicopter over di e ciudad, ofreciendo un perspectiva unico di e lugarnan iconico for di ariba como tambe un tour priva di e ciudad.

Aruba Bank huntu cu Mastercard ta extende nan palabra di felicitacion na Sr. Andric Kock. E campaña "Your card, your pathway" ta un ehempel di e compromiso di e banco pa recompensa su fiel clientenan. Door di ofrece incentivanan atractivo, Aruba Bank ta sigui crea conexion significante cu su clientenan.



Aruba Bank tambe ta extende felicitacion na tur otro ganadonan di e campaña "Your card, Your Pathway". Un total di 732 cliente a ricibi tarhetanan Mastercard prepaga door cu nan a yega nan metanan cu exito. Aruba Bank kier a gradici tur esnan cu a participa na e campaña aki.